



ახალი ბანათლები

21 - 27 აპრილი
ფასი 1 ლარი 70 თეთრი

№16 (730) პაემლის 1998 წლიდან

www.axaliganatleba.ge

უნიკალური საბანანათლებლო ბამოსდილება ბიზნესის დახმარებით

„საქმიანი უნარების განვითარების პროგრამა 39 სა-
კილოტა სკოლაში განხორციელდა, ვფიქროვ, წარმატა-
ბითაც. თუ პროექტი გაგრძელდება, რა თქმა უნდა,
ახალგაზრდების საქმიანი უნარების განვითარება
უფრო სტაბილურ ხასიათს მიიღებს და შეგნებულ გა-
დაწყვეტილებებზე ორიენტირებული გახდება.“

გვერდი 2

GEORGIA PRIMARY EDUCATION PROJECT

ბიზნესის უნარ-ჩვევები
BUSINESS SKILLS



საქართველოს განათლებისა და მეცნიერების სამინისტრო ასხადას

შემოქმედებით კონკურსებს საჯარო და
კერძო სკოლების მოსწავლეებისთვის:

1. კონკურსი „ნაბიჯი თანადგომისკენ“
ტარდება სლოვანების, კონცეფციებისა
და სასკოლო წარმოდგენების (ფლუმოგა-
ბის) სახით, სადაც მოსწავლეებმა უნდა
გამოხატონ თავიანთი დამოკიდებულება
ქალაქობასა და ბულინგთან მიმართება-
ში, ასევე უნდა წარმოადგინონ პრობლე-
მების მოგვარების ხედი. სლოვანების
კონკურსში მონაწილეობენ VII-XII კლასე-
ბის მოსწავლეები, ფლუმოგების კონ-
კურსში – I-XII კლასების მოსწავლეები,
ხოლო კონცეფციების კონკურსში VIII-XII
კლასების მოსწავლეებისთვის არის გათ-
ვალისწინებული.
2. საქართველოს დამოუკიდებლობის
დღეს ეძღვნება კონკურსი „წარსულით
შემწილი მომავალი“, რომლის ფარგლებ-
ში, VII-XII კლასების მოსწავლეებისთვის
ტარდება ფოტოკონკურსი; ნახატების კონ-
კურსი – I-XII კლასების, ხოლო ესეების კონ-
კურსი – VII-XII კლასების. კონკურსის მიზა-
ნია, მოსწავლეებში პატივითული და მოძა-
ლანობრივი თვითშეგნების ამაღლება;
ისტორიული მოვლენების კრიტიკულად
ანალიზის უნარის გამოვლენა. ნაგუ-
შვებებში მოსწავლეებმა უნდა წარმოად-
გინონ საკუთარი ხედი, როგორც სურთ
იხილონ საქართველო 25 წლის შემდეგ.
3. ევროპის კვირეულთან დაკავშირე-
ბით, VII-XII კლასების მოსწავლეებისთვის

- ტარდება ვიდეონიშნების კონკურსი –
„ევროპა ჩემს ოკეანეში“. კონკურსის
სლოვანია „ნაბიჯი ევროპისკენ“. კონკურს-
ის მიზანია მოზარდებმა გაიზარდონ ევ-
როპული ინტეგრაციის მნიშვნელობა სა-
ქართველოს განვითარებისათვის.
4. არაქართულენოვანი სკოლებისა და
გადაღმთიან დასახლებაში მდებარე საჯა-
რო სკოლების მოსწავლეებისთვის ესეების
კონკურსი ჩატარდება. კონკურსის მიზა-
ნია კულტურათმშობის დიალოგისა და სა-
მოქალაქო ინტეგრაციის ხელშეწყობა,
მხარის განვითარებაზე ზრუნვა. მასში მო-
წავლეების უფლება აქვთ საჯარო სკო-
ლების VIII-XI კლასების მოსწავლეებს.
5. ზემოწამოთვლილი კონკურსები „წარმა-
ტებულ მოსწავლეთა ნახალების პროგ-
რამის“ ფარგლებში ტარდება, რომლის ვა-
დების, პირობებისა და შინაარსის თაობა-
ზე დაწვრილებითი ინფორმაცია განთავ-
სებულია საქართველოს განათლებისა და
მეცნიერების სამინისტროს ოფიციალურ
ვებგვერდზე – www.mes.gov.ge.
6. კონკურსებში მონაწილეობა შეუძლიათ
მოსწავლეებს როგორც ინდივიდუალურად,
ისე ჯგუფური სახით. წარმატებული მოს-
წავლეები/ჯგუფები წამახალისებულ ჯილ-
დოებს მიიღებენ.

პროფესიული განვითარება

ტრენინგ-მოდულები ინკლუზიური განათლებისთვის

გვესაუბრება მასწავლებელთა პროფესიული განვითარების
ეროვნული ცენტრის ინკლუზიური და სპეციალური
განათლების კონსულტანტი შანა კვაჭაძე

გვერდი 3

ქართული სტუდენტები უსსრ-ში

სტრასბურგში გატარებულმა წლებმა ბევრი რამ მასწავლა

რუბრიკის სტუმარია ნინო ბასილაშვილი,
სტრასბურგის უნივერსიტეტის სტუდენტი

გვერდი 4

პედაგოგთა დასახარებლად

აქტიური სწავლების მეთოდები კონსტრუქტივიზმი და ევრისტიკა

გვერდი 6

დაწყებითი განათლება

უნიკალური საგანმანათლებლო გამოცდილება ბიზნესის დახმარებით

ანა ფირცხალაიშვილი

საქართველოს დაწყებითი განათლების პროექტი (G-PriEd) მოსწავლეების ნივთიერების, მათემატიკური და საქმიანი უნარების განვითარების მიზნით ხორციელდება და 2015-2016 სასწავლო წლებში, 122 საბავშვო სკოლას მოიცავს. ორი მათგანის მიზნებისა და მიმდინარეობის შესახებ ჩვენ უკვე ვისაუბრეთ. ამჯერად პროექტის ერთი მნიშვნელოვანი კომპონენტი – საქმიანი უნარ-ჩვევების განვითარების პროგრამა გვიჩვენებს ნარმოვიდგინოთ. პროგრამის მიზანია, მოსწავლეებს ადრეული ასაკიდან განუვითაროს ისეთი ჩვევები, როგორცაა სამომხმარებლო, ეკონომიკური, სოციალური, კრიტიკული აზროვნება, ასევე გადაწყვეტილების მიღების, დაგეგმვის, ლიდერობის უნარები. ეს არის უნიკალური საგანმანათლებლო გამოცდილება, რაც დაეხმარება მოზარდებს საქმიანი სამყაროს უკეთ და სწორად აღქმაში.

პროგრამის ნარმატებით განხორციელებაში გადამწყვეტ როლს კერძო სექტორი ასრულებს, რომელმაც საბავშვო სკოლებში გაკვეთილების ჩასატარებლად მოხალისეები მიიწვირა. იქ, სადაც ვერ მოხერხდა მოხალისეთა მოზიდვა (ძირითადად რეგიონებში), პედაგოგობა თავად პროექტის თანამშრომლებმა ითავეს. პროგრამის ხელმძღვანელი ნიკოლოზ ჩაჩხიანი და ტექნიკური ასისტენტი დიანა დუნდუა გურჯაანის რაიონის სოფელ გურჯაანის საჯარო სკოლის V და VI კლასებში ახორციელებდნენ საქმიანი უნარ-ჩვევების პროგრამას. პროექტი დასრულდა, შესაბამისად – გაკვეთილებიც. ჯერჯერობით უცნობია გაგრძელდება თუ არა დაწყებითი განათლების პროექტი საქართველოში. ეს, გარკვეულწილად, კვლევის შედეგებზეც იქნება დამოკიდებული, რომელიც უკვე ჩატარდა, მაგრამ შთაბეჭდილება, რომელიც ამ სკოლის ორი კლასისგან მივიღე, იმაზე მეტყველებს, რომ მოსწავლეებმა ბევრი საინტერესო სიახლე გაიგეს, რამაც მათი ფანტაზია სხვადასხვა მიმართულებით წარმართა. ეს არ იყო გაკვეთილები ჩვეულებრივი გაგებით, აქ ბავშვებმა ბევრი რამის ცოდნა გამოამყვანეს, თუნდაც ეკონომიკური ტერმინოლოგიის ცოდნის დონეზე, მათ წარმოადგინა აქვთ, ზოგადად, სამეცნიერო საქმიანობის შესახებ, შეუძლიათ პრეზენტაციების კეთება, თითოეულს გაუჩნდა განსაკუთრებული დამოკიდებულება ამა თუ იმ სფეროს მიმართ – ზოგს საადვოკატო ფირმის გახსნა სურს მომავალში, ზოგს – ფეხბურთის გუნდის მფლობელობა, საკუთარი პროდუქტების მაღაზიისა თუ რენვის ხელოვნების შემსწავლელი სახელოსნოს გახსნა და ა.შ.

ნიკოლოზ ჩაჩხიანი, რომელიც იმ დღეს V კლასში ატარებდა შემაჯამებელ გაკვეთილს, ამბობს, რომ მას USAID-თან თანამშრომლობის მრავალწლიანი გამოცდილება აქვს და ამდენად განათლების სფერო მისთვის ახლობელია და ყველაზე მნიშვნელოვანი, ისე როგორც პედაგოგის ამბულა. და ეს კარგად გამოჩნდა ბოლო გაკვეთილებზეც, ბავშვებთან ურთიერთობაში, მათთვის გასაგები ენით, სათანადო თვალსაჩინოებების დახმარებით, მთელი კლასის ადვილად აყოლებით იმ თემების ირგვლივ კითხვებზე პასუხების გასაცემად, რაც განვლილი ხუთი გაკვეთილის ფარგლებში შეისწავლეს. „ჩვენი კომპონენტი დაფუძნებულია Junior Achievement-ის მეთოდოლოგიაზე, რომელიც მსოფლიოს 123 ქვეყანაში ახორციელებს მსგავს პროექტებს. საქმიანი უნარების განვითარების პროგრამა 39 საბავშვო სკოლაში განხორციელდა, ვფიქრობ, ნარმატებითაც. იმედი მაქვს, რომ ამას კვლევის შედეგებზე დაადასტურებს. ასაკობრივი ფაქტორის გათვალისწინებით პროგრამა 7 ძირითად თემას მოიცავდა: I კლასში – „ჩვენი თვითონ“; II კლასში – „ჩვენი ოჯახი“; III კლასში – „ჩვენი საზოგადოება“; IV – „ჩვენი ქალაქი“; V – „ჩვენი რეგიონი“ და VI კლასში – „ჩვენი ქვეყანა“. აქ დამატებითი თემაა „ფულზე მეტი“, რაც მოიცავდა ფინანსური ნივთიერების საკითხებს.



ჩვენი პირველი ამოცანა იყო კერძო სექტორის ფართოდ ჩართვა პროგრამის განხორციელებაში. საგანგებოდ მინდა აღვნიშნო, რომ ბიზნესმა უწყოყმანოდ და უანგაროდ დავეჭირა მხარი. ჩვენ საგანგებოდ დავატრენინგეთ მოხალისეები. რაკი მათთვის უცხო იყო სასკოლო გარემო, შევექმენით ანიმაციური ფილმები დაწყებითი კლასის მართვის შესახებ, სათანადო პრაქტიკული რჩევებით, რაც დაფუძნებულია Junior Achievement-ის მეთოდოლოგიაზე, მაგრამ მორგებულია ქართულ სინამდვილეზე. გაკვეთილების სახალისოდ წარმართვისა და მაქსიმალურად მაღალი შედეგის მისაღწევად მათ ხელთ ჰქონდათ ჩვენ მიერ მომზადებული „მოხალისის ვიდეოინსტრუქცია“, ანიმაციური ფილმი „ბავშვები ჩვენი ქუჩიდან“, სხვადასხვა სახის რჩევები, ფლაერები „პრო-მოვიდეო“, ლექს-სენის მიერ შესრულებული სახალისო, მაგრამ თემატური სიმღერა „ფული მოძრაობს საზოგადოებაში“ და სხვა საჭირო თვალსაჩინო მასალა, რაც აუცილებელია ამ



ტიპის გაკვეთილის ეფექტურად ჩასატარებლად. გაკვეთილის სტრუქტურა ასეთი იყო: კლასში შესვლისას მოხალისე, პირველ რიგში, ბავშვებს აწვდიდა ცნობებს თავისი კომპანიის შესახებ და შემდეგ იწყებდა იმ დღისთვის განვირგვინებულ გაკვეთილს. ყველა გაკვეთილი აუცილებლად სახალისო და მსუბუქად აღსაქმელი უნდა ყოფილიყო, თუმცა, რა თქმა უნდა, გარკვეული ინფორმაციის შემცველი, რომლის ათვისების ხარისხსაც, გაკვეთილის დამთავრებამდე სპეციალური დაგეგმვის ფურცლების მეშვეობით ვამოწმებდით, რომლის შესრულებაშიც ბავშვები გუნდურად ერთვებოდნენ. მაგალითად, თემა – „ჩვენი ქალაქი“ ან „ჩვენი რეგიონი“ – გულისხმობს, ბავშვებმა იცოდნენ რა ბუნებრივი თუ ადამიანური რესურსებია ამ ტერიტორიაზე, შესაბამისად, უნდა განსაზღვრონ როგორ შეიძლება მათი გამოყენება საკუთარი ბიზნესის დასაწყებად, შემდეგ მოიფიქრონ იმ კომპანიის სახელწოდება, რომელსაც დააარსებენ, მოიფიქრონ, როგორ გაუნევენ რეკლამირებას საკუთარ პროდუქციას და ა.შ. ამ საკითხებზე მოსწავლეები მუშაობენ გუნდურად, ბოლოს, ერთი მათგანი აკეთებს პრეზენტაციას. ეს გარკვეულწილად პროფორინტაციაც არის და ამიტომაცაა, რომ შედეგად ვიღებთ მოსწავლეთა დაინტერესებას ამა თუ იმ სფეროთი, დარგით. თუ პროექტი გაგრძელდება, რა თქმა უნდა, ახალგაზრდების საქმიანი უნარების განვითარება უფრო სტაბილურ ხასიათს მიიღებს და შეგნებულ გადაწყვეტილებებზე ორიენტირებული გახდება.“ – ასეთია ნიკოლოზ ჩაჩხიანის აზრი და პროექტის მიზანიც.

ეს მეთოდოლოგია რომ ნამდვილად გამართლებულია, რასაც ბიზნესის სამყაროს უკეთ აღქმისთვის მოსწავლეებს პროგრამა სთავაზობს, VI კლასშიც კარგად გამოჩნდა. გაკვეთილს დიანა დუნდუა ატარებდა. მოსწავლეთა სრული ჩართულობით, ნინასწარ მომზადებული ფლაერებით გვიჩვენეს, როდენი ძალისხმევას საჭირო სხვადასხვა ქვეყნის ადამიანებისგან რაიმე მნიშვნელოვანი პროდუქტის შესაქმნელად და როგორი ურთიერთკავშირი არსებობს მათ შორის...

ქალბატონი დიანა ცდილობს, ყველა მოსწავლე თანაბრად აქტიური იყოს. კითხვები, რომელსაც ის სვამს, თითოეული მათგანისთვისაა განკუთვნილი. კითხვებზე პასუხები კი იმის ნიშანია, რამდენად შემოქმედებითად ან კრიტიკულად აზროვნებენ მოსწავლეები, რამდენად ტოლერანტულები არიან გუნდური მუშაობისას, რაციონალურები – დაგეგმვისას, რომელი გამოირჩევა ლიდერის თვისებებით და ა.შ.

კვლევის შედეგები უფრო კონკრეტულად გვეტყვის, რამდენად ეფექტურია განუვლი მუშაობის შედეგი, მაგრამ ამ ორი გაკვეთილით ნათლად ჩანს, ეს ის თემებია, რომელზეც კვალიფიციურად და მიზანმიმართულად საუბარი, ნამდვილად ღირს, რადგან აქ იმ ცოდნას იღებენ მოსწავლეები, რაც რეალურ ცხოვრებაში აუცილებლად წაადგებათ.

დაბოლოს, არ შეიძლება არ დაეთანხმო ნიკოლოზ ჩაჩხიანს და დიანა დუნდუას იმაში, რომ სკოლებში, სადაც სიახლისადმი მზაობაა, სადაც დირექტორი, პედაგოგები ერთიანი აქტიური გუნდია, შედეგიც კარგია. ასეთია სოფელ გურჯაანის საჯარო სკოლა, ასეთი დირექტორია ქალბატონი რუსუდან მამულაშვილი და V და VI კლასების დამრიგებლები, ქართული ენისა და ლიტერატურის პედაგოგები – თამარ ცისკარიშვილი და ნინო ვარდიაშვილი.



პროექტის მონაწილე მოსწავლეებს გადაეცათ სერტიფიკატები

პროფესიული განვითარება

ტრენინგ-მოდულები ინკლუზიური განათლებისთვის

მასწავლებელთა პროფესიული განვითარების პროფესიული ცენტრი ინკლუზიური განათლების მიმართულაბით სხვადასხვა აქტივობას და პროექტს ახორციელებს და მასწავლებლებს, მოსწავლეთა სპეციალური საგანმანათლებლო საჭიროებების გათვალისწინებით, სხვადასხვა თემატიკის ტრენინგ-მოდულებს სთავაზობს. მოდულების უმეტესობას კრედიტული მიანიჭებ, მასწავლებლები, რომლებიც სწავლაში არიან ჩართულები და დასახელებულ მოდულებს განივლიან, გარკვეულ კრედიტულს დააბრუნებენ.

რა მოდულები მომზადდა სენსორული დარღვევების მქონე მოსწავლეთა განათლებისთვის, ამის შესახებ გვესაუბრება ცენტრის ინკლუზიური და სპეციალური განათლების კონსულტანტი ჟანა კვაჭავაძე:

მხედველობის დარღვევის მქონე (მცირემხედველი და უსინათლო) მოსწავლეთა სწავლებისთვის

დღეს, საქართველოს ნებისმიერი რეგიონის ნებისმიერ სკოლაში, შეიძლება აღმოჩნდეს მოსწავლე, რომელსაც მხედველობის გარკვეული დარღვევა აქვს – მცირემხედველი ან უსინათლო. შესაბამისად, მასწავლებლებისთვის, ინკლუზიური განათლების სპეციალისტებისთვის თუ მშობლებისთვის სწორედ იმის მიხედვით გვაქვს მომზადებული ტრენინგ-მოდულები, თუ რა ტიპის პრობლემა აქვს მოსწავლეს. მაგალითად, უსინათლო ბავშვის მასწავლებლისთვის – ბრაილის სისტემა და მისი სწავლების მეთოდოლოგია. მასწავლებელს, მოდულით, არა მხოლოდ ბრაილის შრიფტით წერა-კითხვას, არამედ იმასაც ვასწავლით, თუ როგორ ასწავლოს უსინათლო მოსწავლეს ან შვილს ბრაილის შრიფტის გამოყენება, ანუ იმავე მოდულით ვთავაზობთ სწავლების მეთოდოლოგიას. უკვე მესამე წელია, რაც მოდულს 202-ე უსინათლოთა სკოლის მასწავლებლები ატარებენ, რომლებსაც ამის დიდი გამოცდილება აქვთ, პარალელურად, ისინი ჩვენი ტრენინგ-ბიჭ არიან. წელს, დაგეგმილია პროცესში თავად უსინათლო ადამიანების ჩართვა – ცენტრში 2 უსინათლო ტრენინგის დასაქმებული და ძალიან ეფექტური იქნება, თუ ისინი ბრაილის სისტემის სწავლების პროცესში ჩაერთვებიან.

რაც შეეხება მცირემხედველ მოსწავლეებს, მათთვის სპეციალური მოდული შევქმენით. მასწავლებლებს, ამ მოდულის მიხედვით, ძირითადად, დამხმარე საშუალებების გამოყენებას ვასწავლით. იმისთვის, რომ მცირემხედველი ადამიანი შეუფერხებლად სწავლობდეს და ფუნქციონირებდეს, აუცილებლად სჭირდება გარემოს ადაპტირება და ე.წ. დამხმარე და გამადიდებელი საშუალებების გამოყენება, მაგალითად, გამადიდებელი ლუპები, სპეციალური ჭოგრები, სპეციალური კომპიუტერული პროგრამები და ა.შ. მოდულში მონაწილეები გაეცნობიან გარემოს ადაპტირების გზებს და დამხმარე საშუალებების გამოყენების სწავლების ტექნიკებს.

მოდულში აქცენტი კეთდება მხედველობის დარღვევის მქონე ბავშვის განვითარების თავისებურებაზე – რა ხდება იმ ბავშვის განვითარებაში, რომელსაც მხედველობის დარღვევა აქვს? როგორ და რა გავლენას ახდენს მხედველობის დარღვევა განვითარების სხვადასხვა სფეროზე – მოტორული, კოგნიტური, ენა-მეტყველება, სოციალური, ემოციური. განსაკუთრებული აქცენტი კი კეთდება იმაზე, რომ, მიუხედავად მხედველობის დარღვევის დრამატული გავლენისა განვითარების ყველა სფეროზე, დროული იდენტიფიცირებისა და ჩარევის, ადეკვატური გარემოსა და სწავლების პირობებში, მხედველობის დარღვევის მქონე ბავშვები ასაკის შესაბამისად ვითარდებიან. ამას კვლევების შედეგებიც ადასტურებს – მხედველობის დარღვევის მქონე ბავშვები განვითარებით არ ჩამორჩებიან მხედველ თანატოლებს. მონაწილეებს ადეკვატურად დადებითი მოლოდინები უნდა შეექმნათ თავიანთი მცირემხედველი მოსწავლეების მიმართ.

კურსის გავლის შედეგად მონაწილეები ეცნობიან მხედველობის დარღვევის გავრცელებულ ფორმებს და მის გავლენას ბავშვის სწავლებაზე, განვითარებაზე, სოციალიზაციასა და ყოველდღიურ ფუნქციონირებაზე. ეცნობიან მხედველობის დარღვევის საერთაშორისო, თანამედროვე კლასიფიკაციას, ტერმინოლოგიას, რომელიც მხედველობის დარღვევებს უკავშირდება. გარდა ამისა, მონაწილეები ეცნობიან იმ სერვისებსა და განათლების ფორმებს,

რომლებიც მხედველობის დარღვევის მქონე მოსწავლეებს უნდა შესთავაზონ.

ტრენინგ-მოდული კარგად აცნობს მასწავლებლებს გარემოს ადაპტირების გზებსა და დამხმარე ტექნიკურ აღჭურვილობას, რომელიც მხედველობის დარღვევის მქონე მოსწავლეებისთვის გამოიყენება. მონაწილეებს შეუძლიათ, სპეციალისტის რეკომენდაციის საფუძველზე, ბავშვის საჭიროებებიდან გამომდინარე, გარემოს ადაპტირება და მოსწავლის დახმარება გაკეთებულ დამხმარე და გამადიდებელი საშუალებების გამოყენებაში. ასევე შესაძლებელია, მასწავლებელმა, სპეციალისტის დახმარებით, საკუთარ საგანში, მხედველობის დარღვევის მქონე ბავშვისთვის ინდივიდუალური სასწავლო გეგმა შეიმუშავოს. მისი შედეგისა და მონაწილეები ითვალისწინებენ იმ ძირითად კომპეტენციებს, რომელიც აუცილებლად უნდა ჰქონდეს ზრდასრულ მოქალაქეს დამოუკიდებელი და სრულფასოვანი ცხოვრებისთვის.

2015 წელს შემუშავდა ბრაილის სწავლების მეთოდოლოგიური გზამკვლევი. წელს ვაპირებთ გზამკვლევის დაბეჭდვას, შესაძლოა ორდინიანი მოდულიც მოვაშენებთ და მასწავლებლებს გზამკვლევის გამოყენება ვასწავლით.

დაგეგმილი გვაქვს კიდევ ერთი სიახლე. უსინათლოთა სკოლაში მოსწავლეები გადიან საგანს „რიტმიკა“, ამ საგანს ძალიან დიდი მნიშვნელობა აქვს მხედველობის დარღვევის მქონე ბავშვის განვითარების ხელშეწყობისთვის და მისი დამოუკიდებლობისთვის, თუმცა სამწუხაროდ არ არსებობს რიტმიკის სწავლების მეთოდოლოგია ქართულ ენაზე, რომელსაც მასწავლებლები გამოიყენებდნენ, რის გამოც ისინი ხშირად გამოიქცევიან ნუსხილს. წელს დაგეგმილია რიტმიკის სწავლების მეთოდოლოგიური გზამკვლევის შემუშავება და დაბეჭდვა.

დაბოლოს, მხედველობის პრობლემის მქონე მოსწავლეთა მასწავლებლებისთვის კიდევ ერთი სიახლე გვექნება, რომლის ინიციატორიც ორგანიზაცია „ბავშვი, ოჯახი, საზოგადოება“ა. კერძოდ, ორგანიზაციამ, ფონდის USAID მხარდაჭერით, შეიმუშავა ე.წ. გაფართოებული სასწავლო გეგმა მცირემხედველი და უსინათლო მოსწავლეებისთვის. აღნიშნული სასწავლო გეგმა განკუთვნილია ბავშვებში იმ კომპენსატორული უნარების განვითარებისთვის, რომელიც აუცილებელია მხედველობის დარღვევით გამოწვეული სირთულეების აღმოსაფხვრელად. გაფართოებული სასწავლო გეგმა ჯერჯერობით დამტკიცებული არ არის განათლებისა და მეცნიერების სამინისტროს მიერ, თუმცა ორგანიზაციას შემუშავებული აქვს ტრენინგ-მოდული, რომელიც სპეციალისტებს გეგმის გამოყენებას ასწავლის და ორგანიზაცია თანახმაა, მოდული ცენტრს გადასცეს. შესაბამისად, აღნიშნული წლის სექტემბრიდან შესაძლებლობა გვექნება, სპეციალისტებს შევთავაზოთ ტრენინგ-მოდული გაფართოებული სასწავლო გეგმის გამოყენების ტექნიკებზე.

სმენის დარღვევის მქონე პირთა სწავლებისთვის

ამ შემთხვევაში ორი მიმართულება არსებობს – სმენისარმქონე/ყრუ პირთა და სმენის დაქვეითების მქონე მოსწავლეთა განათლება. პირველ შემთხვევაში, ყრუ პირთა სწავლებისთვის შემუშავებული გვაქვს შესტური ენის კურსები, რომელიც სხვადასხვა სამიზნე ჯგუფისთვისაა განკუთვნილი – როგორც თავად ყრუ პირებისთვის, ასევე მათი უახლოესი გარემოსთვის. ამის მიზანი კი არის, რომ შესტური ენის სწავლებასთან ერთად მათ შესტური ენის გარემო შეუქმნათ. მაგალითად, თუ ჩვენ მოგვმართა პირმა, რომელიც ყრუ სტუდენტის თანაკურსელია ან ყრუ მოსწავლის თანაკლასელი, მეზობელი, ოჯახის წევრი ან ნათესავი, ჩვენ მიერ შეთავაზებული კურსით, მათ შესტური ენა შეეასწავლით. შესაბამისად, ოთხი სამიზნე ჯგუფი გვაქვს – ყრუ პირები და მათი თანატოლები, ყრუ პირთა ოჯახის წევრები, მასწავლებლები და თარჯიმნები. თარჯიმანთა კურსები ორდინიანია, დანარჩენი კურ-



სები კი – სამდონიანი. ვინცებთ ელემენტარული დონიდან და მეორე, მესამე დონის საკომუნიკაციო შესტური ენას ვასწავლით, რათა ადამიანებმა ყრუ პირებთან, გარკვეულ დონეზე, კომუნიკაცია შეძლონ.

კურსის გავლის შედეგად, მონაწილეები იცნობენ შესტური ენას, როგორც სივრცით ენას, სადაც ინფორმაციის კოდირება ხდება ხელეზით და ფლობენ თეორიულ ცოდნას შესტური ენის გამოყენებისა და სწავლების შესახებ. მოდული მოიცავს თეორიულ და პრაქტიკულ მეცადინეობებს, გამდიდრებულია ფოტო და ვიდეომასალით. მოდული აერთიანებს შესტური ენისა და დაქტილის გამოყენებით სწავლების მეთოდოლოგიას.

მონაწილეები ეუფლებიან დაქტილის შესწავლისთვის აუცილებელი უნარების (ნატივი მოტორიკა...) განვითარების სტრატეგიებს და იყენებენ მიმიკას, იციან ასო-ბგერების, სიტყვების, სასვენი ნიშნების, წინდადებების, ტექსტის დაწერა-წაკითხვა დაქტილით, ასევე, შეუძლიათ რიცხვების, უტოლობების, მაგალითების, მათემატიკური სიმბოლოების დაწერა-წაკითხვა დაქტილით. კურსის გავლის შემდეგ, მონაწილეები ფლობენ შესტური ენის საბაზისო დონეზე და შეუძლიათ გამოიყენონ ყრუ მოსწავლეთან სწავლების დროს ან კომუნიკაციისთვის.

სასწავლო რესურსების გასამდიდრებლად, გადაწყვიტეთ გადავიღოთ შესტური ენის სასწავლო ფილმები როგორც დამწყებთათვის, ისე თარჯიმნებისთვის. სცენარები უკვე შემუშავებული გვაქვს და ფილმებიც, ალბათ, ზაფხულის ბოლოს გვექნება.

რაც შეეხება სმენის დარღვევის მქონე მოსწავლეთა სწავლების მოდულის შედეგებს, ტრენინგის დასრულების შემდეგ, მონაწილეები უნდა ფლობდნენ ცოდნას სმენის დაქვეითების მქონე მოსწავლის შესაძლო საგანმანათლებლო საჭიროებების, სმენის ფუნქციონირებისა და მისი დარღვევის შესახებ.

ტრენინგ-მოდულის დასრულების შემდეგ, მასწავლებელი უკეთ განსაზღვრავს სმენის დაქვეითების მქონე მოსწავლის საგანმანათლებლო საჭიროებებს, სწავლა-სწავლების ხელშეწყობის სტრატეგიებისა და საკლასო გარემოს ორგანიზების პრინციპებს.

მოდული ეხება იმ მოსწავლეთა განათლებას, რომელთაც არ სჭირდებათ შესტური ენა, მათ სმენის დაქვეითება აქვთ. მოდული ტრენინგის მონაწილეებს ამომწურავ ინფორმაციას აწვდის სმენის დაქვეითების მქონე მოსწავლის შესაძლო საგანმანათლებლო საჭიროებების შესახებ და, რაც მთავარია, მოსწავლის საგანმანათლებლო საჭიროებების გათვალისწინებით, სწავლა-სწავლების ხელშეწყობის სტრატეგიებისა და საკლასო გარემოს ორგანიზების პრინციპების განსაზღვრაში ეხმარება.

დაბოლოს, ერთი მნიშვნელოვანი რამ, რაც გვინდა, რომ ამ სფეროში გავაკეთოთ – ბილინგვური სწავლების მეთოდოლოგიური გზამკვლევი. ეს გულისხმობს ყრუ პირებისთვის როგორც შესტური ენის სწავლებას, ისე ქართული ენის სწავლებასაც. თუ როგორ შევძლებთ ვასწავლოთ შესტური ენა და, პარალელურ რეჟიმში, განვითაროთ ქართული ენა, ამის მეთოდოლოგია ჯერ არ გვაქვს, შესაბამისად, არც ტრენინგ-მოდული არსებობს, ეს ჩვენი სამომავლო გეგმაა.



ქართული სტუდენტები უსსოთში

სტრასბურგში ბატარებულმა წლებმა ბევრი რამ მასწავლა

დღევანდელი ნომის სტუდენტია ნინი ბასილაშვილი, სტრასბურგის უნივერსიტეტის სტუდენტი

– ნინი, ზოგადი განათლების მისაღებად ფრანგულ-ქართულ სკოლაში დადიოდი. რა ასაკიდან დაიწყო ფრანგული ენის შესწავლა და განსაზღვრა თუ არა სკოლამ შენი პროფესიული მომავალი?

– მარი ბროსეს ფრანგულ-ქართული სკოლა დავამთავრე. ფრანგულის სწავლა ხუთი წლიდან დაიწყო. ამ სკოლაში ჩემი შესვლით გადაწყდა, რომ საფრანგეთში ვისწავლიდი. რა თქმა უნდა, სკოლას უმნიშვნელოვანესი წვლილი მიუძღვის იმაში, რომ დღეს სტრასბურგის უნივერსიტეტში ვსწავლობ. სკოლიდან გვაგზავნიდნენ ხოლმე საფრანგეთში, ქალაქ ნანტში, სადაც რამდენიმე თვე იქაურ სკოლაში ვსწავლობდით. ეს ფრანგული ენის უკეთ სწავლაშიც გვეხმარებოდა და ნელ-ნელა ახალ გარემოსა და ცხოვრების რეჟიმს ვეგუებოდით.

– სკოლის დამთავრების შემდეგ, სასწავლებლად საზღვარგარეთ, კერძოდ სტრასბურგში მიდიხარ, როგორ ჩაირიცხე სტრასბურგის უნივერსიტეტში და რომელ ფაკულტეტზე სწავლობ?

– დიას, სკოლის დამთავრების შემდეგ, სტრასბურგში წამოვედი სასწავლებლად.

მარი ბროსეს ფრანგულ-ქართული სკოლა გასცემს ფრანგული სკოლის ატესტატს, რისი მეშვეობითაც, გამოცდის გარეშე, შეგიძლია საფრანგეთის უმაღლეს სასწავლებელში სწავლის გაგრძელება. ამჟამად, სტრასბურგის უნივერსიტეტის სამართლის ფაკულტეტის სტუდენტი ვარ.

– სტრასბურგის უნივერსიტეტში რა წესით გამოიყოფა სტიპენდიები და გრანტები უცხოელი სტუდენტებისთვის, რა პრივილეგიებით სარგებლობენ წარჩინებული სტუდენტები, არის თუ არა მათთვის რაიმე შეღავათები და ნაწილობრივ მაინც თუ აკმაყოფილებს სტიპენდია სტუდენტის მოთხოვნებს?

– სამწუხაროდ, საფრანგეთში, ბაკალავრიატზე, ქართველ სტუდენტებს არანაირი სახის სტიპენდია არ გვეკუთვნის.

– როგორ ფიქრობ, რა უპირატესობა აქვს ევროპულ მოწინავე უმაღლეს სასწავლებლებს ქართულთან შედარებით. რა შეგიძლია გვიამბო სასწავლო პროგრამების, ლექციებისა და პროფესორ-მასწავლებლების შესახებ?

– სასწავლო წელი ათი თვე გრძელდება, ლექციები ყოველ დღე გვაქვს. სასწავლო პროგრამა ორ სემესტრზეა განაწილებული. სისტემა ისეა მორგებული და ყველაფერი ისეა გათვლილი, რომ დრო ყველაფრისთვის ზუსტადაა განსაზღვრული. ყველა გამოცდის წინ ერთკვირიან არდადეგებს გვინიშნავენ, რაც გამოცდებისთვის მოსამზადებლადაა გათვლილი. შვიდ კვირაში ერთხელ გვაქვს არდადეგები. რაც შეეხება მასწავლებლებს, ძალიან მეგობრულები და თავაზიანები არიან. როგორც თანატოლებს, ისე გვიდგებიან. როგორც მომავალ კოლეგებს, გვაძლევენ რჩევებს, გვიზიარებენ საკუთარ გამოცდილებებს, გვეხმარებიან, როცა რაიმე გვიჭირს. განსაკუთრებით ყურადღებიანები უცხოელი სტუდენტების მიმართ არიან.

– რა როლი უჭირავს საფრანგეთში (სტრასბურგში) საუნივერსიტეტო ბიბლიოთეკებს?

– ბიბლიოთეკას დიდი და მთავარი ადგილი უჭირავს. ლექციების მერე ყველა იქ მიდის. სახლში თითქმის არავინ ამზადებს დავალებებს. საღამოს ათ საათამდეა ღია.

ყველა ფაკულტეტს თავისი ბიბლიოთეკა აქვს (ცალკე მდგომი, რამდენიმესართულიანი შენობები), ასევე ცენტრალური საუნივერსიტეტო ბიბლიოთეკაცაა, რომელიც კვირაობითაც მუშაობს. ბევრჯერ ყოფილა შემთხვევა, რომ ბიბლიოთეკაში მისულელებს თავისუფალი ადგილი არ დაგვხვდებოდა. ასეთ შემთხვევაში, სხვა ფაკულტეტის ბიბლიოთეკებს ვსტუმრობთ.

– ნინი, მთავარი შენი სამუშაო გამოცდილების შესახებ. სწავლის პარალელურად, ახერხებ მუშაობას?



– ამჟამად ვმუშაობ ერთ-ერთ სადაზღვევო კომპანიაში. სტუდენტური სამსახურია, ჩემი პროფესიით არ ვმუშაობ. იურიდიული განხრით, პირველი გამოცდილება საქართველოს იუსტიციის სამინისტროში ერთთვიანი სტაჟირება იყო, რომელიც დიასპორის სამინისტროს პროგრამის ფარგლებში გავიარე. ნოემბერში ვაპირებ ერთთვიან სტაჟირებას საფრანგეთის საგარეო საქმეთა სამინისტროში.

– რას ურჩევ ახალგაზრდებს, რომლებსაც საზღვარგარეთ ცოდნის გაღრმავებისა და კვალიფიკაციის ამაღლების სურვილი აქვთ...

– პირველ რიგში, ვურჩევ იმ ენის კარგად შესწავლას, რომელ ქვეყანაშიც აპირებენ გამგზავრებას. ბევრი მუშაობა და მეცადინეობაა საჭირო, საზღვარგარეთ რაიმეს რომ მიიღონ. აქ ნიშნებს ხაზით არავინ დაგინერს, ცოდნას და შრომას სათანადოდ და სამართლიანად გიფასებენ. საკუთარ თავზე მუშაობა უნდა შეგეძლოს. უნდა იცოდე, რა გსურს და რა არის შენი მიზანი. ყველას, ვისაც საშუალება აქვს, ვურჩევ სწავლა სტრასბურგში გააგრძელონ. ვთვლი, რომ ვინც აქ ისწავლის, დაამთავრებს და დიპლომს აიღებს, წარმატებული კარიერა გარანტირებული აქვს, რაც თავისთავად გულისხმობს კარგ მომავალს. ყველას ვურჩევდი ევროპაში, კერძოდ საფრანგეთში, სწავლის გაგრძელებას. არა მარტო უნივერსიტეტში, არამედ სკოლაშიც. ჩემი და მეტერთმეტე კლასშია და შემდეგი წლიდან აქ აგრძელებს სწავლას. მიინდა, სკოლა აქ დაასრულოს და შემდეგ ჩააბაროს უნივერსიტეტში.

– სად და როგორ ატარებ თავისუფალ დროს? მთავარი, როგორ ცხოვრობენ ფრანგი ახალგაზრდები, რა არის მათთვის პრიორიტეტული, როგორია ფრანგული სტუდენტური ცხოვრება?

– არდადეგები, როგორც ასეთი, დასვენებისთვის, სწავლის პერიოდში არ გვაქვს. როგორც გითხარით, ყველა არდადეგებს გამოცდები მოსდევს. თუმცა მაინც ვახერხებთ თავისუფალი დროის გამოიხვეჭას. სხვადასხვა ქვეყნებსა და ქალაქებში მოგზაურობა ალბათ ყველაზე საინტერესო დასვენებაა, მოგზაურობა საკმაოდ იაფია. ეს ერთ-ერთი პრიორიტეტია ევროპაში ცხოვრების. უნივერსიტეტიდან სტუდენტები, შაბათ-კვირას, ჯგუფურად, დადიან ალპებში სასრიალოდ ან ერთდღიან ექსკურსიებზე სხვადასხვა ქვეყნებსა და ქალაქებში. რაც შეეხება გართობას, როგორც ქართველ ახალგაზრდებს, ასევე აქაურ სტუდენტებსაც უყვართ ერთად შეკრება და დროის ტარება კლუბებში, პიკნიკებზე, კინოში, ასევე, რესტორანში სავახშმოდ სიარული. თავისუფალ დროს ყველაფრის კეთება შეიძლება. ამ მხრივ, ალბათ, დიდი სხვაობა არაა.

ყველა ფაკულტეტს ჰყავს თავისი სტუდენტური თვითმმართველობა. ჩვენი ფაკულტეტის თვითმმართველობა ყოველ ხუთშაბათს ან შაბათ დღეს აწყობს წვეულებას და ხშირად იქ მთელი უნივერსიტეტი იკრიბება. წვეულებების გარდა, ხშირად აწყობენ სხვადასხვა ღონისძიებებსა და საქველმოქმედო

სადილებს.

– როგორ გესახება მომავალი, სად აპირებ დამკვიდრებას? როგორ ფიქრობ, საზღვარგარეთ მიღებული განათლება საქართველოში დასაქმებაში ითამაშებს გადამწყვეტ როლს?

– პირველ რიგში, სწავლის დასრულებას სტრასბურგში ვაპირებ. მაგისტრატურის გავლა, ერთი წელი, აქ მიინდა, მეორე წელი – ფრენკში. სწავლის შემდეგ, გამოცდილების დაგროვების მიზნით, გარკვეული პერიოდი ალბათ, სამუშაოდ სტრასბურგში დავრჩები, შემდეგ კი საქართველოში დავბრუნდები. დარწმუნებული ვარ, საქართველოში დასაქმებაში ევროპული განათლება და სამუშაო გამოცდილება ნამდვილად ითამაშებს გადამწყვეტ როლს და კარიერასთან დაკავშირებულ ჩემს სამომავლო გეგმებს, ჩემს ქვეყანაშიც თავისუფლად და წარმატებით განვახორციელებ.

– საზღვარგარეთ გატარებულ მცირე პერიოდშიც კი ადამიანი სხვანაირად აფასებს საკუთარ ღირებულებებს. ბუნებრივია, ალბათ ხშირად ფიქრობ საქართველოზე. როგორ გგონია, მიგივლებს ევროპა ისეთებს, როგორებიც ვართ თუ ძალიან ბევრი რამის გადახედვა და გადაფასება მოგვინევს?

– გულწრფელად რომ ვთქვა, საქართველოს ევროპამდე კიდევ დიდი გზა აქვს გასავლელი. პირველ რიგში, როგორც სტუდენტს, მიმაჩნია, რომ საქართველოს განათლების სისტემას სერიოზულად უნდა მიხედონ. სახელმწიფოს მხრიდან, ფრანგ სტუდენტებს, ძალიან დიდი ხელშეწყობა აქვთ. თითოეულ მათგანს აქვს სტიპენდია, რომელიც ნიშნებზე და მაღალ აკადემიურ მოსწრებაზე არაა დამოკიდებული. ეს ერთგვარი ფინანსური დახმარებაა, რომელიც ხელს უწყობს მათ, ბოლომდე კონცენტრირებულნი იყვნენ სწავლაზე. ბევრჯერ მქონია სურვილი და მიზანტრია კიდევ – ნეტავ საქართველოშიც ისეთი სიტუაცია იყოს, როგორიც საფრანგეთშია, განსაკუთრებით განათლების სისტემაში, რადგან ამ შემთხვევაში არ მომინევდა ათასობით კილომეტრის მოშორებით ყოფნა ოჯახისგან და მეგობრებისგან.

– რა არის შენთვის ყველაზე მნიშვნელოვანი და ღირებული, რაც სტრასბურგში გატარებულმა პერიოდმა მოგცა?

– სტრასბურგში გატარებულმა წლებმა ბევრი რამ მასწავლა – პირველ რიგში, დამოუკიდებლობა, მიზნის მისაღწევად ბრძოლა. როგორი სირთულეც უნდა შეგხედეს, არასდროს არ უნდა დაიხიო უკან და უარი არ უნდა თქვა შენს სურვილებზე. აქ სირთულეები გარდაუვალია. თუ ერთხელ არ გამოვივა, აუცილებლად მეორედ უნდა სცადო. არ უნდა დაინებდე და ყველა შესაძლებლობა გამოიყენო დასახული მიზნის მისაღწევად. ყოველთვის, როდესაც რაღაცას აკეთებ, უნდა გახსოვდეს, რატომ დაიწყე მისი კეთება. ინგლისურად უკეთ ფლერს: „never forget why you started“.

ესაუბრა
ბაბა ყიფინი



ინფორმაცია

უპრესედენტო პროექტი საქარო სკოლაში „გზავნილი საქართველოს“

თავშესაფრის მაძიებელი და ლტოლვილი უცხოელი მოსწავლეები, რომელთაც ომის გამო სამშობლოს დატოვება მოუხდათ, დღეს თბილისის 81-ე საჯარო სკოლაში სწავლობენ. ეს მოსწავლეები ჩართულნი არიან საქართველოს განათლებისა და მეცნიერების სამინისტროს მიერ ინიცირებულ „საქართველოში თავშესაფრის მაძიებელთა და ლტოლვილის ან პუმანიტარული სტატუსის მქონე პირთათვის ქართულ ენაში მომზადების პროგრამაში“, რომლის ფარგლებშიც, ერთი წლის განმავლობაში, ქართულ ენას შეისწავლიან და მიიღებენ შესაბამის ცოდნას (წერა, კითხვა, მოსმენა, საუბარი) იმ დონეზე, რაც მათ საქართველოს ზოგადსაგანმანათლებლო დაწესებულებაში სწავლის გაგრძელების საშუალებას მისცემს მანამდე, ვიდრე ამის საჭიროება იქნება.

თბილისის 81-ე საჯარო სკოლაში თავშესაფრის მაძიებლის, ლტოლვილის ან პუმანიტარული სტატუსის მქონე 69 ბენეფიციარი ჩაირიცხა, მათ ქართულს კონკურსის შედეგად შერჩეული კვალიფიციური პედაგოგები ასწავლიან. ამ მოსწავლეთა მონაწილეობით, 18 აპრილს, ქართული ენის დღისადმი მიძღვნილი ღონისძიება გაიმართა, რომელსაც საქართველოს განათლებისა და მეცნიერების სამინისტროს მოადგილე ლია გიგაური დაესწრო.

ღონისძიებაზე მოსწავლეებმა ქართველი და ლტოლვილი ბავშვების ხელნაწერების გამოფენა წარმოადგინეს. ასევე იყო გამოფენილი სკოლის ქართველი მოსწავლეების მიერ ლტოლვილი მეგობრებისადმი მიწერილი წერილები, გაიმართა ფილმის „გზავნილი საქართველოს“ ჩვენება, ეს არის ქართველი და ლტოლვილი ბავშვების ერთობლივი ფილმი მეგობრობაზე, ასევე გაიმართა მეგობრული საფეხბურთო მატჩი. ღონისძიება ერაყელმა მოსწავლემ გახსნა, რომელმაც ქართული სიმღერა შეასრულა. ღონისძიების ბოლოს საუკეთესო ხელნაწერის ავტორი და ფეხბურთში გამარჯვებულები დაჯილდოვდნენ.

ლია გიგაური: „ლტოლვილი, პუმანიტარული სტატუსის მქონე და თავშესაფრის მაძიებელი ბავშვებისთვის სახელმწიფო მრავალი ტიპის პროგრამას ახორციელებს. განსაკუთრებით გამორჩეულია საგანმანათლებლო პროგრამა, რომელიც ზოგადი განათლების ხელმისაწვდომობას ემსახურება. იმ ბავშვებს, რომელთაც სამშობლოს დატოვება ომის გამო მოუხდათ, ნამდვილად სჭირდებათ ხელშეწყობა და წორედ ამ მიზნით შეიქმნა პროგრამა, რომელიც გულისხმობს, პირველ ეტაპზე, ქართული ენის კომპეტენციების გაძლიერებას და ერთი წლის შემდეგ, როდესაც ბავშვებმა ქართული ენა უკვე სათანადოდ იციან, საგაკვეთილო პროცესში მათ ინტეგრაციას და სრულფასოვანი კურსის შეთავაზებას. თუმ-

ცა, ქართული ენის სწავლება მხოლოდ ენის სწავლებით არ შემოიფარგლება, გულისხმობს სხვადასხვა აქტივობებს, ასევე, ფიზიკულტურის, მუსიკის, ხელოვნების გაკვეთილებს და სხვადასხვა, საკომუნიკაციო უნარ-ჩვევების გასაუმჯობესებელ აქტივობას.

დღეს ისინი მონაწილეობენ ძალიან მნიშვნელოვან, ქართული ენის დღესთან დაკავშირებულ ღონისძიებაში. თქვენ ნახეთ, როგორ წერენ და მეტყველებენ ეს ბავშვები ქართულად, რამდენად არიან მოტივირებულები, რომ უკეთესად ისწავლონ.

რაც მთავარია, ძალიან შეუყვარდათ საქართველო. მათი სახით, ჩვენ მოვიპოვეთ მეგობრები და მიუხედავად იმისა, დარჩებიან ამ ქვეყანაში თუ ძალიან მალე მოუწევთ მისი დატოვება და სამშობლოში დაბრუნება, ალბათ, სამუდამოდ დაამახსოვრდებათ ის დრო, რომელიც საქართველოში გაატარეს.“


მაგდა ბარამიძე, 81-ე საჯარო სკოლის დირექტორი: „დღეს, 18 აპრილს, ცოტა მოგვიანებით, მაგრამ მაინც გვაქვს სახელმწიფო ენის კვირეულის დახურვის დღე. ჩვენი სკოლა იმით გამოირჩევა, რომ მრავალეთნიკური მოსწავლეებითაა დაკომპლექტებული. კიდევ ერთი ძალიან დიდი ბენეფიტია გვერგო – წელს საქართველოში ლტოლვილი და პუმანიტარული სტატუსის მქონე მოსწავლეთათვის ვახორციელებთ განათლებისა და მეცნიერების სამინისტროს პროგრამას, ზოგადი განათლების ფარგლებში – ვასწავლით ქართულ ენას.

ეს ჩვენი მეტად მნიშვნელოვანი და საპატიო მისიაა. ვფიქრობთ, ძალიან კარგ საქმეს ვაკეთებთ. ზოგადად, ჩვენი სკოლა მოტივირებულია იმისთვის, რომ, რაც შეიძლება, კომფორტული პირობები შევუქმნათ ამ ბავშვებს და რაც შეიძლება, დაეაქროთ მათი ინტეგრაცია. ენის ცოდნა ამისთვის უპირობოდ მნიშვნელოვანია.

ჩვენს დღევანდელ ღონისძიებას ჰქვია „გზავნილი“ – როგორც ჩვენ გვაქვს გზავნილი ერაყელი ბავშვებისადმი, ასევე მათ აქვთ გზავნილი საქართველოსთვის. სწორედ ამ დასახელების – „გზავნილი საქართველოს“ – ფილმის პრეზენტაცია ვიხილეთ დღეს, პროგრამის ფარგლებში.

ძალიან კმაყოფილი ვართ იმით, რომ დროის მცირე მონაკვეთში საკმაოდ დიდ შედეგებს მივაღწიეთ. თქვენ თვითონ შეგიძლიათ დარწმუნდეთ, რა კარგად მეტყველებენ ბავშვები ქართულად.

მუსტაფა ალ შაჰი, მოსწავლე: „დღეს აქ ფეხბურთის თამაში გვაქვს. უნდა ვიმღეროთ, ვიცეკვოთ. 81-ე სკოლაში ვსწავლობ. ძალიან მიყვარს ჩემი სკოლა, ჩემი მასწავლებელი და ჩემი მეგობრები. ფილმი გადავიღეთ საქართველოს და ერაყის მეგობრობაზე. ჩემი ძმაც აქ არის.“



კვლევა და სანაწარმო

მათემატიკა (დაწყებითი საფეხური)



ზურაბ მცხალია

აქტიური (ინტერაქტიული) სწავლების მეთოდები – კონსტრუქტივიზმი და ევრისტიკა (პრობლემური მეთოდი)

დასასრული (დასაწყისი ნ. № 15)

ამოცანების მნიშვნელოვანი მათემატიკის კონსტრუქტივიზმის სწავლებაში; ამოცანების ძირითადი სახეობები

მათემატიკაში კონსტრუქტივიზმის მნიშვნელოვანი მათემატიკის კონსტრუქტივიზმის სწავლებაში...

კონსტრუქტივიზმის მნიშვნელოვანი მათემატიკის კონსტრუქტივიზმის სწავლებაში...

- I. შემადგენელი ან წინასწარი სამოტივაციო; II. ცნების ან მოქმედების გამაზრებელი; III. განმარტოვებული-განმარტოვებული, გამოყენებითი. ოღონდ ეს სახეობები კონტექსტზე დამოკიდებული – ზოგი ამოცანა ისეთია, რომ შეიძლება იყოს I, ან II, ან III – გააჩნია, რა ადგილასაა ჩასმული.

განვიხილოთ, მაგალითად, ამოცანა: „დახაზეთ ორი სამკუთხედი – ტოლგვერდებიანი და არატოლგვერდებიანი – ისე, რომ თითოეული გვერდების სიგრძეთა ჯამი 20 სანტიმეტრის ტოლი იყოს“.

გარდა ამისა, აუცილებელია აგრეთვე: IV. სატესტო-საკონტროლო ამოცანები – მოსწავლეთა ცოდნა-განვითარებაზე ხშირი დაკვირვებისათვის და სათანადო უკუკავშირის დასაგეგმად.

სიტუაციური ამოცანები

1. მასწავლებლის მიზანია წინარე ცოდნის, ერთი ნასწავლი საკითხის გამეორება და მისი ცოდნის გააქტიურება. საუკეთესოა აქტიური გამეორება. დააღვრეთ შემდეგი სასწავლო ქმედებანი თანმიმდევრობით, ყველაზე პასიური გამეორებიდან ყველაზე აქტიური გამეორებისაკენ.

- მასწავლებლის დავალებით, მოსწავლე სახელმძღვანელოში მოიძიებს ნასწავლ საკითხს და კვლავ წაიკითხავს.
• მასწავლებლის დავალებით, მოსწავლე სხვა წყაროდან მოიძიებს ნასწავლ საკითხს და წაიკითხავს.
• მასწავლებელი მოსწავლეს მიუთითებს საჭირო ადგილს სახელმძღვანელოდან და მის წაიკითხვას დაავალებს.
• მასწავლებელი მოკლედ, შეჯამებულად ჩამოაყალიბებს ნასწავლ საკითხს და მოსწავლეს ასე შეახსენებს.
• მასწავლებელი მოსწავლეს დაავალებს ამოცანის გადაწყვეტას ნასწავლი საკითხის გამოყენებით.
• მასწავლებელი მოსწავლეს უჩვენებს ნასწავლი საკითხის პრაქტიკული გამოყენების საინტერესო მაგალითს.

- ა) 3-4-2-1-6-5; ე) 4-3-1-2-6-5;
ბ) 1-2-4-3-5-6; ვ) 3-4-1-2-6-5;
გ) 4-3-2-1-6-5; ზ) 4-1-3-2-6-5;
დ) 2-1-3-4-5-6; თ) 1-2-4-3-6-5.

2. შემდეგთაგან რომელია სწავლის საუკეთესო, ყველაზე აუცილებელი საშუალება?

- ა) ტრადიციული ფორმითა და შინაარსით აწყობილი საგაკვეთილო მუშაობა;
ბ) მოსწავლისა და მასწავლებლის თანამშრომლობა;
გ) უზადო ლექციების კურსის წაიკითხვა კარგი მასწავლებლის მიერ;
დ) მოსწავლეთა გუნდური მუშაობა და ურთიერთთანამშრომლობა;
ე) კამათი, რომელშიც იბადება ჭეშმარიტება;
ვ) თვით მოსწავლის მიერ იმის კეთება, რაც უნდა ისწავლოს.

3. კლასში გაკვეთილზე დამსწრე იჯდა. მასწავლებელმა მოისურვა, რომ საფუძვლიანად აეხსნა ახალი საკითხი. ამიტომ წინა საკითხების გამოკითხვა სწრაფ ტემპში წარმართა და მალე მოათავა, რათა გაკვეთილის ძირითადი ნაწილისთვის საკმარისი დრო მოეჩვენა. ძირითადი ნაწილი კი იმით დაიწყო, რომ მოსწავლეს შესასწავლი საკითხის პრაქტიკული მნიშვნელობა აუხსნა და დაუსაბუთა, მაგრამ გაკვეთილის ბოლოს მასწავლებელი განხილვით დაიწყო, რადგან მოსწავლეთა ინტერესი ძალიან დაბალი იყო და, შედეგად, ცუდი

გაკვეთილი გამოვიდა.

შემდეგთაგან ყველაზე ნაკლებად რომელი გვიჩვენებს ამის მიზეზს?

- ა) წინარე საკითხების აჩქარებით გამოკითხვის გამო მასწავლებელმა ვერ გაარკვია რამდენად კარგად იცოდა კლასმა ისინი;
ბ) წინარე საკითხებზე მსჯელობა წესით ახლის შემზადებაც უნდა ყოფილიყო;
გ) მასწავლებელმა კარგად ვერ ახსნა ახალი საკითხები, რადგან დამსწრის იქ ყოფნამ დაძაბა;
დ) მასწავლებელს არ ჩაუტარებია წინმსწრები სამოტივაციო აქტივობა;
ე) მრავალ მოსწავლეს სურდა, წარმოეჩინა თავისი ნამუშევარი და გამოეთქვა აზრი საშინაო დავალების საკითხებზე (რომლებშიც თავს უფრო მყარად გრძობდნენ); მათ ამის საშუალება არ მიეცათ, რამაც მათი მოტივაცია შეასუსტა;
ვ) „საფუძვლიანი ახსნა“, არსებითად, დიდაქტიკური მინი-ლექციის გახანგრძლივებაა, „გაკვეთილის ძირითადი ნაწილი“ კი სულ სხვა რამ უნდა ყოფილიყო.

4. გაარკვიეთ, შემდეგთაგან რომელია ყველაზე შორს კეთებით სწავლების მაგალითებიდან – მოსწავლეთა მიერ:

- ა) ფერადი ქაღალდებისგან სხვადასხვა ნაცნობი ფორმების გამოჭრა, გეომეტრიული ორნამენტების გაკეთება და ფორმების თვისებებზე დაკვირვება;
ბ) კონკრეტული მაგალითების განხილვა და საერთო თვისებების აღმოჩენა და მისი განზოგადება ზოგად წესად;
გ) იმ გეომეტრიული ფორმების დასახელება, რომლებიც ყველაზე მეტად მოსწონთ;
დ) მოსწავლეთა მიერ კითხვარის მიხედვით გამოკითხვის ჩატარება, მისი შედეგების აღრიცხვა და დასკვნის გამოტანა.

5. ჯ. დიუის „კეთებით სწავლება“ უპირატესად პირდაპირი მნიშვნელობით ესმოდა – ვითარც ხელით კეთება, ანდა ისეთი აქტივობით კეთება, რომელიც მოძრაობებში მაინც ვლინდება. ამის გათვალისწინებით გაარკვიეთ, წინა ამოცანის ასარჩევი პასუხებიდან (გარდა მისივე მართებული პასუხისა) რომელია ყველაზე შორს სწორედ დიუისეული „კეთებით სწავლების“ მაგალითებიდან. ეს იქნება „კეთება“ მხოლოდ გონებაში (პიაჟე-ბრუნერისეული კონსტრუქტივიზმი).

პროფესიული განვითარება

პროფესიული კოლეჯების მასწავლებლები გერმანულ გამოცდილებას გაიზიარებენ

პროფესიულ განათლებაში რეფორმის ახალი ეტაპის განხორციელება გულისხმობს კერძო სექტორის ჩართულობას პროფესიულ განათლებაში. ამ პროცესში ძალიან დიდი მნიშვნელობა ენიჭება მასწავლებლების მომზადებასა და მათ კვალიფიკაციას. ამ კუთხით, განათლებისა და მეცნიერების სამინისტრო, პროექტის „კერძო სექტორის განვითარება სამხრეთ კავკასიაში“ ფარგლებში, წარმატებით თანამშრომლობს გერმანიის საერთაშორისო თანამშრომლობის საზოგადოებასთან (GIZ). ამ ურთიერთობის

ფარგლებში მრავალი ინიციატივა ხორციელდება, რომელიც არა მარტო პროფესიული განათლების განვითარებაზეა ორიენტირებული, არამედ ხელს უწყობს სამხრეთ კავკასიაში საქართველოს, აზერბაიჯანსა და სომხეთს შორის წარმატებულ თანამშრომლობას, ქვეყნებს შორის ცოდნის გაცვლაზე ორიენტირებული პარტნიორული ურთიერთობების გაღრმავებას და გამოცდილების გაზიარებას.

პროფესიული განათლების სპეციალისტთა მომზადებას გულისხმობს პროექტი

„პროფესიული გადამზადების პროგრამა პროფესიული განათლების სპეციალისტებისთვის“, რომლის მიზანია ხელი შეუწყოს საქართველოს, აზერბაიჯანსა და სომხეთის ახალგაზრდა პროფესიონალებს კვალიფიკაციის ამაღლებას პროფესიული განათლების სფეროში პედაგოგიკის, დიდაქტიკის, მენეჯმენტისა და ადმინისტრაციული საქმიანობის მიმართულებით.

პროფესიული განათლების მოკლევადიანი საგანმანათლებლო პროგრამა შედგება სამი ფაზისაგან, რომელიც მოიცავს შვიდ მოდულს. პროგრამის საწყისი მოდულები განხორციელდება საქართველოში, ხოლო დანარჩენი საგანმანათლებლო მოდულები – გერმანიაში.

აღნიშნული ინიციატივა დაეხმარება კონკურსში გამარჯვებულ სამივე ქვეყნის მონაწილეს გაიღრმავონ ცოდნა პროფესიული განათლების თანამედროვე ტენდენციების შესახებ, გაიზიარონ გერმანული გამოცდილება და გამოიყენონ მიღებული ცოდნა საკუთარი ქვეყნის პროფესიული განათლების სისტემის საკეთილდღეოდ.

ქეთევან ნატრიაშვილი: „პროფესიულ განათლებაში რეფორმის ახალი ეტაპის განხორციელებისათვის უდიდესი მნიშვნელობა აქვს მასწავლებლის მომზადებას, მის მაღალ კვალიფიკაციას. ამ კუთხით, გადგენილი ვითარებაში გერმანიის მთავრობასთან, გერმანიის საერთაშორისო თანამშრომლობის ორგანიზაცია გვეხმარება პროფესიულის მასწავლებლების გადამზადებაში. დაიწყო პროგრამა, რომლის ფარგლებში გადაიგვა პირველი ნაბიჯები – შეიქმნა ქართული მასწავლებელი, კოლეგებთან (ჩვენი მეზობელი ქვეყნებიდან) ერთად, მო-

ნაწილობას მიიღებს მოსამზადებელ კურსში, რომლის განხორციელება დაგეგმილია როგორც საქართველოში, ასევე გერმანიაში. ამის შემდეგ, მაგდებურგის უნივერსიტეტთან თანამშრომლობით, დაგეგმილია უკვე სამაგისტრო კურსის შემუშავება, ჩვენს სახელმწიფო უნივერსიტეტებთან პარტნიორობით, რომელიც პროფესიულის მასწავლებლებს ამ მიმართულებით ცოდნის კიდევ უფრო გაღრმავების შესაძლებლობას მისცემს.“

მარი შეფერი, გერმანიის საერთაშორისო თანამშრომლობის ორგანიზაციის კავკასიის ოფისის გენერალური დირექტორი: „ეს მნიშვნელოვანი პროექტია. „ჯიიი ზეტი“ მუშაობს პროფესიული განათლების განვითარების მიმართულებით. პროფესიული განათლება კი, გერმანული მოდელის გააზრებით, ნიშნავს კერძო სექტორის აქტიურ ჩართულობას. პროფესიული უნარები ბიზნესისთვის/ბიზნესი პროფესიული უნარებისთვის – ეს არის მთავარი ამოსავალი ნერტილი.“

მარტა რიგელი, კერძო სექტორის განვითარების სამხრეთ კავკასიის პროგრამის დირექტორი: „პროფესიული განათლება ეკონომიკის განვითარების ღირსია. ეკონომიკა და კერძო სექტორი ვერ განვითარდება პროფესიული კადრების გარეშე. ამიტომ, აუცილებლად გვჭირდება მაღალი რანგის სპეციალისტები. სწორედ ასეთი სპეციალისტების მომზადებას ისახავს მიზნად ეს პროგრამა. ყოველი მონაწილე იმუშავებს ე.წ. განვითარების პროექტზე. კურსის დასრულების შემდეგ, ისინი წარადგენენ მზა პროექტს და მისი განხორციელება მოხდება ინსტიტუციის ორგანიზების განვითარების მიზნით.“



ინფორმაცია

ტექნიკური უნივერსიტეტის ორი პროფესორი დაჯილდოვდა

საქართველოს განათლებისა და მეცნიერების მინისტრმა თამარ სანიკიძემ საქართველოს ტექნიკური უნივერსიტეტის ამგდარ პედაგოგსა და მეცნიერს, საინჟინრო მეცნიერებათა დოქტორს, პროფესორ ლიანა სუთიძეს და ამავ უნივერსიტეტის ცოტნე მირცხულავას სახელობის წყალთა მეურნეობის ინსტიტუტის ბუნებრივი კატასტროფების განყოფილებისა და სამშენებლო ფაკულტეტის აგრომელიორაციის მიმართულების მოდულის ხელმძღვანელს, მეცნიერების დოქტორს, პროფესორ რობერტ დიაკონიძეს ღირსების ორდენებით დააჯილდოვა.

ქალბატონი ლიანა, ნახევარ საუკუნეზე მეტია, წარმატებით მოღვაწეობს ბევრი ქალისთვის ძალზე რთულ სფეროში. იგი ერთადერთი ქალია, რომლის უშუალო მონაწილეობით, 55 წლის წინ, საქართველოს ტექნიკური უნივერსიტეტში ჩამოყალიბდა სამშენებლო, საგზაო მანქანებისა და მოწყობილობების კათედრა. 50-ზე მეტი სამეცნიერო ნაშრომისა თუ სახელმძღვანელოს ავტორი სპეციალურ საგნებში კითხულობდა ლექციების კურსს რეგიონებში, განსაკუთრებით აღსანიშნავია მისი წვლილი ტექნიკური ტერმინოლოგიის პრობლემების კვლევასა და შესაბამისი განმარტებითი ლექსიკონის შექმნაში.

45 წელია საქართველოს ტექნიკური უნივერსიტეტში მოღვაწეობს რობერტ დიაკონიძე, იგი 70-ზე მეტი სამეცნიერო ნაშრომის ავტორია, მონაწილეობა აქვს მიღებული 14 სამეცნიერო-საგანტო პროექტის დამუშავებაში, ამჟამად მუშაობს სამეცნიერო საგანტო პროექტზე, რომელიც ეხება შავი ზღვის სანაპირო ზოლის მდგრადობასა და ზღვის წყლის ხარისხის შეფასებას. ბატონ რობერტს სამეცნიერო საგანტო პროექტებზე (2010-2015 წწ.) მუშაობის პერიოდში ინსტიტუტის ბიუჯეტში, დამატებით, შეტანილი აქვს, დაახლოებით, ნახევარი მლნ. ლარი, რის საფუძველზეც მას დასაქმებული ჰყავდა 35 თანამშრომელი.

2015 წლის 13 ივნისს, მდინარე ვერეზე მომხდარი სტიქიის დროს, რობერტ დიაკონიძე, სხვა სპეციალისტებთან ერთად, უშუალოდ მონაწილეობდა სტიქიის სანაღმდეგო პრევენციული ღონისძიებების დამუშავებაში. სწორედ აღნიშნული ჯგუფის მიერ შეთავაზებული რეკომენდაციების განხორციელება ჩათვალა მთავრობამ საჭიროდ. რობერტ დიაკონიძის მიერ დადგენილი იქნა მდინარე ვერეს წყლის მაქსიმალური ხარჯის პროგნოზული სიდიდე. იგი ავტორია ბუნებრივი სტიქიების სანაღმდეგო 50-ზე მეტი პრევენციული ღონისძიების. ეს არასრული ჩამონათვალია ამ ორი ღირსეული მეცნიერის ნაღვანის. საქართველოს განათლებისა და მეცნიერების მინისტრმა თამარ სანიკიძემ გამორჩეული სამეცნიერო-პედაგოგიური და აქტიური საზოგადოებრივი მოღვაწეობისათვის ლიანა სუთიძეს და რობერტ დიაკონიძეს დიდი მადლობა გადაუხადა და ჯანმრთელობა და მომავალი წარმატებები უსურვა მათ.



თამარ სანიკიძე: „ტექნიკური უნივერსიტეტის ორი პროფესორი – ქალბატონი ლიანა და ბატონი რობერტი, დღეს, სახელმწიფო ღირსების ორდენით დააჯილდოვა. ეს ადამიანები თავიანთ პროფესიებში გამორჩეულები არიან და მოღვაწეობის არაერთწლიანი ისტორია აქვთ. პედაგოგიური მოღვაწეობის 50 წელზე მეტი იმას ნიშნავს, რომ მათ ხელში ნამდვი-

ლად ათასობით სტუდენტმა გამოიარა. ისინი დღესაც აქტიურად არიან ჩართული სამეცნიერო კვლევებში, სხვადასხვა მიმართულებით, ინოვაციური მიდგომით ახდენენ იმ მდგომარეობის გაუმჯობესებას და იმ პროცესების გამოსწორებას, რაზეც დღეს ყველანი ერთად ვმუშაობთ. მინდა, მათ მივულოცო დღევანდელი დღე და ვუსურვო, რომ ენერჯია, ისევ და ისევ, ახალგაზრდებსა და თავიანთ საყვარელ საქმიანობას მოახმარონ“.

ლიანა სუთიძე: „რა თქმა უნდა, ყოველგვარი ჯილდო, ალბათ, ადამიანის დაფასების და შეფასების საშუალებაა. დღევანდელი დღე ჩემთვის სასიხარულოა, ნამდვილად დღესასწაულია, იმიტომ რომ, ვიგრძენი, ის 55 წელი (თუ სტუდენტობასაც ჩავთვლით – 60), რაც მე ტექნიკური უნივერსიტეტში გავატარე, დაფასდა“.

რობერტ დიაკონიძე: „ჩემთვის დღევანდელი დღე განსაკუთრებით საპატიოა იმიტომ, რომ ეს ჯილდო გადმომეცა წარმატებული მინისტრისა და წარმატებული რექტორის პერიოდში. მხოლოდ ერთი რამ შემიძლია ვთქვა – ვემსახურები ჩემს ქვეყანას“.

ხელშემწყობი გარემო მდგრადი სანარმოებისთვის

თბილისის ტექნოლოგიურ ცენტრში გაიმართა საერთაშორისო კონფერენცია „ხელშემწყობი გარემოს შექმნა მდგრადი სანარმოებისათვის“. ღონისძიება ბიზნესგაერთიანება „საქართველოს დამსაქმებელთა ასოციაციისა“ და შრომის საერთაშორისო ორგანიზაციის (ILO) ორგანიზებით ჩატარდა. კონფერენცია ვიცე-პრემიერმა, ეკონომიკისა და მდგრადი განვითარების მინისტრმა დიმიტრი ქუმსიშვილმა გახსნა, ღონისძიებას, ასევე, დაესწრნენ განათლებისა და მეცნიერების მინისტრი თამარ სანიკიძე და ბიზნესომბუდსმენი გიორგი გახარია.

კონფერენციის მონაწილეების წინაშე მოხსენებით გამოვიდა ვიცე-პრემიერი, ეკონომიკისა და მდგრადი განვითარების მინისტრი დიმიტრი ქუმსიშვილი. მან ისაუბრა პრემიერ-მინისტრის ინიცირებული 4-პუნქტიანი სამთავრობო გეგმის შესახებ და იმ რეფორმებზე, რომლებიც ამ მიმართულებით ხორციელდება. მათ შორის, ბიზნესის ხელშემწყობისა და შრომით ბაზარზე ორიენტირებული პროფესიული განათლების სისტემის შექმნის მიმართულებებზე.

ვიცე-პრემიერმა ისაუბრა მენარმეობის ხელშემწყობ სამთავრობო პროგრამაზე „ანარმოე საქართველოში“ და მის ქვეკომპონენტებზე. მისი განცხადებით, პროექტმა „ანარმოე საქართველოში“ ადგილობრივ მენარმეებს მისცა შესაძლებლობა, კომერციული ბანკებიდან სესხი 1-დან 3 პროცენტამდე აეღოთ. გარდა ამისა, როგორც დიმიტრი ქუმსიშვილმა აღნიშნა, სახელმწიფო გახდა თანაურზრუნველყოფელი კომერ-



ციული ბანკებიდან სესხის აღების დროს. ვიცე-პრემიერი, ასევე, შეეხო განათლების მიმართულებასაც და ისაუბრა იმ პრეზენტაციაზე, რომელიც მცირე ხნის წინ განათლებისა და მეცნიერების სამინისტრომ გამოაქვეყნა. „საუბარია საჯარო და კერძო პარტნიორობასა და პროფესიულ განათლებაში ჩადებულ ძალიან დიდ ინვესტიციაზე,“ – განაცხადა დიმიტრი ქუმსიშვილმა და იმედი გამოთქვა, რომ ოთხპუნქტიანი გეგმის ამ ორი მიმართულებით, უახლოეს მომავალში, მნიშვნელოვანი გაუმჯობესება იქნება.

კონფერენციაზე საუბარი წარმართა შრომის საერთაშორისო ორგანიზაციის კვლევაზე, რომელიც მიზნად ისახავდა

ადგილობრივი ბიზნესისთვის მთავარი ხელისშემშლელი ფაქტორების გამოვლენას. კვლევამ 300-მდე მცირე, საშუალო და მსხვილი კომპანია მოიცვა, შედეგად გამოვლინდა სამი ძირითადი ფაქტორი: ქვეყანაში მარეგულირებელი ჩარჩო და სამართლიანი კონკურენცია, ფინანსურ რესურსებზე წვდომა და განათლების სისტემასა და შრომის ბაზრის მოთხოვნებს შორის შესაბამისობა.

კონფერენციაში 100-ზე მეტი ბიზნესკომპანია, 10-მდე სექტორული გაერთიანება, აგრეთვე ქვეყანაში მოქმედი საერთაშორისო ორგანიზაციებისა და დიპლომატიური კორპუსის წარმომადგენლები მონაწილეობდნენ.



ინფორმაცია

საქართველო ქიმიის საერთაშორისო ოლიმპიადას უმასპინძლებს

“საქართველოში პირველად ჩატარდება მოსწავლეთა საერთაშორისო ოლიმპიადა ქიმიის (ICHO). თბილისის ოლიმპიადას 2016 წლის 23 ივლისიდან 1 აგვისტოს ჩათვლით უმასპინძლებს. საერთაშორისო ოლიმპიადა ქიმიის ოლიმპიადებს შორის, ყველაზე ფართომასშტაბიანი, მსოფლიოში ცნობილი და ძალიან მაღალი რეპუტაციის მქონე ღონისძიებაა, რომელიც არაჩვეულებრივ გამოცდი-

ლებას სძენს საუკეთესო მოსწავლეებს მსოფლიოს 100-მდე ქვეყნიდან. „ოლიმპიადა 2016“-ში მონაწილეობის მიზანმიმართულად, ამ ეტაპზე, 84 ქვეყანაა დარეგისტრირებული. გარდა იმისა, რომ ჩვენი მოსწავლეები საკუთარ ქვეყანაში, მათთვის უფრო კომფორტულ გარემოში, იასპარეზებენ, საქართველოში ჩამოვლენ უცხოელი მოსწავლეები, მენტორები, მთავარი მენტორები,

სამეცნიერო დამკვირვებლები, ჯამში - 700-800 ადამიანი. ეს უდიდესი შესაძლებლობაა, ვანახოთ მსოფლიოს საქართველო, მისი კულტურა და მდიდარი ისტორიული მემკვიდრეობა. ოლიმპიადის არსებობის ისტორიაში ეს უპრეცედენტო შემთხვევაა, როდესაც საქართველო ასეთი დონის ღონისძიებას მასპინძლობს. მსგავსი შესაძლებლობა არა მარტო

საქართველოს, თითოეულ ქვეყანას, ათეულობით წლების განმავლობაში, ერთხელ ეძლევა, ვინაიდან 2021 წლამდე უკვე განერილია პროგრამა, რომელ ქვეყანაში ჩატარდება მომდევნო წლების ოლიმპიადა.

ოლიმპიადის საორგანიზაციო კომიტეტის თავმჯდომარის მოადგილემ, **ელიზბარ ელიზბარაშვილმა**, ქიმიის ოლიმპიადის საორგანიზაციო კომიტეტის თავმჯდომარის, პროფესორ **გაბორ მაგარიფაღლის** სახელით, საქართველოს განათლებისა და მეცნიერების სამინისტროს ქიმიის საერთაშორისო ოლიმპიადის დროშა გადასცა.

თამარ სანიკიძე, განათლებისა და მეცნიერების მინისტრი: „პირველად საქართველოში, 2016 წლის ივლისში, ჩატარდება ქიმიის საერთაშორისო ოლიმპიადა. ეს ღონისძიება მნიშვნელოვანია როგორც სამინისტროსთვის, ისევე მთელი ქვეყნისთვის. სპეციალური კომისია მუშაობს სამოქმედო გეგმის განსაზღვრაზე, რომელიც რამდენიმე დღეში გვექნება. ძალიან მნიშვნელოვანია, დროული კომუნიკაცია, რომ მაქსიმალურად უზრუნველყოთ ამ პროცესში სკოლებისა და ყველა დაინტერესებული პირის ჩართულობა.“

საერთაშორისო კომიტეტისგან ოფიციალურად მივიღეთ ოლიმპიადის დროშა, რომელსაც საჯაროდ გავშლით და ეს იქნება პირველი ანონსი საერთაშორისო ოლიმპიადის, რომლის განხორციელებასაც ერთად ვინებთ ყველა უწყება, მათ შორის ჩვენც, განათლებისა და მეცნიერების სამინისტრო, როგორც ნამყვანი უწყება. ველით, რომ დაინტერესება ჩვენს მოსწავლეებს შორის ძალიან მაღალი იქნება.“



„გადავწეროთ ვეფხისტყაოსანი“

თბილისის მუნიციპალიტეტის საკრებულოს თავმჯდომარის, გიორგი ალიბეგაშვილის ინიციატივით და დედაქალაქის წარმომადგენლობითი ორგანოს მხარდაჭერით, საკრებულოში პროექტის „გადავწეროთ ვეფხისტყაოსანი“ პრეზენტაცია გაიმართა. **გიორგი ალიბეგაშვილი:** „სქელუდინი წიგნის ეგზემპლარი, რომელიც შოთა რუსთაველის 850 წლის იუბილესადმი მიძღვნილი პროექტის ფარგლებში სპეციალურად შეიქმნა, საკრებულოს შენობაში განთავსდება. წიგნში პირველ ჩანაწერს უწმინდესი და უნეტარესი, სრულიად საქართველოს კათოლიკოს-პატრიარქი ილია მეორე გააკეთებს, რის შემდეგაც „ვეფხისტყაოსნის“ თითო სტროფის გადაწერის შესაძლებლობა ყველა დაინტერესებულ პირს საკუთარი სახელისა და გვარის მითითებით ექნება.“

გადანერვილი სტროფები აღირიცხება და „ელიტვოს“ გვერდზე ქვეყნდება, ასე რომ, განმეორება შეუძლებელია. პოემას არ ექნება სარჩევი, ისევე როგორც მის სხვა ხელნაწერებს, ქვესათაურებს ერთი კალიგრაფისტი გააკეთებს, გაფორმდება ასევე მსურველთა მხრიდან შესრულებული ორიგინალი ილუსტრაციებით და იქნება ერთადერთი ეგზემპლარი, რომელიც ეროვნულ ბიბლიოთეკაში შეინახება. შოთა რუსთაველის 850 წლის იუბილესადმი მიძღვნილ საღამოზე სიტყვით გამოვიდნენ: დედაქალაქის მერი **დავით ნარმანია**, საქართველოს განათლებისა და მეცნიერების მინისტრი **თამარ სანიკიძე**, აკადემიკოსი **როინ მეტრეველი** და საზოგადოებისთვის ცნობილი სახეები.

საკრებულოს წევრებთან ერთად, წიგნში ჩანაწერები ცენტრალური და ადგილობრივი ხელისუფლების წარმომადგენლებმა, მეცნიერებმა, ხელოვანებმა, ეთნიკური უმცირესობის წარმომადგენლებმა და საზოგადოებისთვის ცნობილმა სახეებმა დატოვეს. თბილისის საკრებულოს თამარ მეფის სახელობის დარბაზში განთავსებულ წიგნში ჩანაწერის გაკეთება ნებისმიერ მოქალაქეს შეეძლება, ხოლო პროექტი პოემის სრულად გადაწერისთანავე დასრულდება. ღონისძიების ფარგლებში, ასევე მოეწყო გამოფენა „რუსთაველი 850“, სადაც მხატვრებმა - **მამუკა ტყემელაშვილმა**, **თიმა გლურჯიძემ**, **მურაზ მურგანიძემ**, **ოლეგ ტიმჩენკომ**, **ზურაბ გომელაურმა**, **ქეთი დავლიანიძემ**, **ნინო ჩაკვეტაძემ** და **მამუკა გიორგაძემ** „ვეფხისტყაოსნის“ თემატიკაზე შესრულებული ნამუშევრები, მათ შორის სპეციალურად ამ პროექტისთვის შექმნილი, ნანარმოებები წარმოადგინეს.



გიორგი კილაძე, ეროვნული ბიბლიოთეკის მეცნიერების, კულტურისა და სამოქალაქო განათლების დეპარტამენტის დირექტორის მოადგილე: „ჯერჯერობით ყველაზე დიდი მოთხოვნა სტროფზე ნესტანის წერილიდან: „შე, ჩემო ესე უსტარი არს ჩემგან მონაღვანე-ბი“. ეს სტროფი პირველად გადაწერა უზუცესმა ბიბლიოთეკარმა ლილა ზამბახიძემ და ამიტომ მისი ხელნაწერი შევა. პირველი ხელნაწერი კი, რომელიც საზოგადოებისგან მივიღეთ, ცნობილ მთარგმნელს ალექსანდრე ელერდაშვილს ეკუთვნის და იგი პოემის შესავალი ნაწილის სტროფია: „ესე ამბავი სპარსულა, ქართულად ნათარგმანები...“ გადამწერა შორის არიან ოჯახები, გვაქვს 7 წლის ბავშვის ხელნაწერიც. ის, რომ „ვეფხისტყაოსანი“ სრულიად საქართველოს კუთვნილებაა და სიმბოლოა განათლებული, ჰუმანური იდეებით გამსჭვალული საზოგადოებისა, გადამწერთა ვინაობაშიც ჩანს. მოგვდის ხელნაწერები საქართველოში მცხოვრები სომეხი, რუსი, ქურთი, პოლონელი მოქალაქეების. დარწმუნებული ვართ, ამ პროექტში საქართველოში მცხოვრები ყველა ეთნოსის წარმომადგენელი ჩაერთვება. ხელნაწერებს გვიგზავნიან უცხოეთში მცხოვრები ქართველები და ქართველოლოგებიც. ვფიქრობთ, პოემის გადაწერა წელიწადნახევარში დასრულდება.“



ალექსანდრე ელერდაშვილი: „ქართველი კალიგრაფისტიებისათვის „ვეფხისტყაოსანი“ გადაწერა ყოველთვის საპასუხისმგებლო და საპატიო საქმე იყო. შეიძლება იმიტომაც, რომ არათუ ავტორისეულს, იმ ეპოქის არცერთ ხელნაწერს არ მოუღწევია. დღეისათ-

ვის არსებულ სხვადასხვა შედგენილობისა და რედაქციის 160-მდე ხელნაწერთა შორის, ყველაზე უძველესი 1646 წლით თარიღდება. ისტორიამ 32 გადამწერის სახელი შემოგვინახა. საზოგადოებამ იცის მამუკა თავაქრაშვილის, იოსებ სააკაძე-თბილელის, სულხან-საბა ორბელიანის, იოანე ლარაძის, პეტრე ლარაძის, პეტრე ქებაძის, გიორგი თუმანიშვილის, დავით რექტორის სახელები. გადამწერთა შორის იყვნენ მანდილოსნებიც: მანანა ზედგენიძე, ანა თუმანიშვილი-ამილახვარი, ნინო ზედგენიძე. აღსანიშნავია ის ფაქტიც, რომ რუსთაველის პოემის ხელნაწერის შექმნით საქართველოში მცხოვრები სხვა ერების წარმომადგენლებიც ინტერესდებოდნენ, შემონახულია ზოგიერთი სახელი: ყაზახანთ ბეყოიას ასული, ვინმე გურგენა, გასპარა ბაღდასარიშვილი, იოანე იალღუზის ძე გაბარავეი და სხვები.“

პროექტი შოთა რუსთაველის და მისი პოემის თანამედროვე საზოგადოებაში მეტ პოპულარიზაციასა და ხელნაწერი „ვეფხისტყაოსანის“ შექმნაში მოსახლეობის აქტიურ ჩართულობას ისახავს მიზნად.

სპორტი

მაის კვალზე



საფრანგეთის ქალაქ ტულუზაში ჩატარდა ევროპის ჩემპიონატი ახალგაზრდა და ჭაბუკ სამბისტთა შორის, სადაც, ტრადიციულად, წარმატებით გამოვიდნენ ჩვენი სპორტსმენები. მათ მთლიანობაში 18 მედალი მოიპოვეს – 8 ოქრო, 3 ვერცხლი და 7 ბრინჯაო. აქედან 9 ჯილდო ჭაბუკების ანგარიშზეა – 5 ოქრო, 1 ვერცხლი და 3 ბრინჯაო. მათ გუნდური პირველობაც მოიგეს. ახალგაზრდებმაც ასევე 9 მედალი ირგუნეს, თუმცა ხარისხობრივად სხვა მდგომარეობაა: 3 ოქრო, 2 ვერცხლი და 4 ბრინჯაო. ისინი გუნდურში მეორეზე გავიდნენ. აღსანიშნავია, რომ ორივე ნაკრები მხოლოდ თითო წონაში დარჩა უმედალოდ.

ჭაბუკთა შორის ჩემპიონები **ჯაბა პაპინაშვილი** (52), **საბა გრიგალაშვილი** (56), **ირაკლი ხერგიანი** (60), **ლევან გუგავა** (65) და **ნიკა სიდამონიძე** (87) გახდნენ. **გიორგი გოგოლიძემ** (+87) მხოლოდ ფინალური ორთაბრძოლა დათმო, მესამე საპრიზო ადგილზე კი **გიორგი ჭუმბურიძე** (48), **ზვიად თევდორაშვილი** (70) და **დიმიტრი კობაური** (75) გავიდნენ.

საინტერესოა, რომ ირაკლი ხერგიანი ახლო წარსულში ცნობილი ქართველი ძიუდოსტის, ევროპის ორგზის ჩემპიონის, ოლიმპიადისა და მსოფლიოს ფინალისტ **ნესტორ ხერგიანის** ვაჟია. თავის დროზე მამამისმაც სამბოთი დაიწყო სპორტული კარიერა და მერე ძიუდოში დიდ წარმატებებს მიაღწია (ევროპა-მსოფლიოზე და ოლიმპიადაზე მან სხვადასხვა სინჯის 12 მედალი მოიპოვა, რაც თანამედროვე ქართულ სპორტში ერთგვარი რეკორდია).

ახალგაზრდებიდან ჩემპიონები **ირაკლი კუბატაძე** (57), **იესო კვირიკაშვილი** (90) და **დავით ოზბეთელაშვილი** (+90) გახდნენ. ჩემპიონობამდე მხოლოდ თითო ფინალური შეხვედრების მოგება დააკლდათ **აკაკი გიგათაძეს** (48) და **გიორგი მირუაშვილს** (52), ხოლო **ილია შუბითიძე** (62), **გიორგი მეტრეველი** (68), **ოთარ გოგისვანიძე** (82) და **დავით რაზმაძე** (+100) მესამე პრიზორები გახდნენ.

პირველობა მამბის რობუტოში

საქართველოს ფიზიკური აღზრდისა და სპორტის სახელმწიფო სასწავლო უნივერსიტეტში, სამი დღის განმავლობაში, მიმდინარეობდა თბილისის ღია პირველობა მაგიდის ჩოგბურთში მოსწავლეთა შორის, რომელშიც საჯარო და კერძო სკოლების გუნდები მონაწილეობდნენ. 4-5 მარტს შესარჩევი ეტაპის შეხვედრები გაიმართა, ფინალები კი ორგანიზატორებმა სპორტის დღეს – 6 აპრილს დაამთავრეს.

ეს ტურნირი, სასკოლო სპორტის ეროვნული ფედერაციის თაოსნობით, წლეულს მეორედ გაიმართა, შეჯიბრება კი ფინანსურად დედაქალაქის მერიის განათლების, სპორტისა და ახალგაზრდობის საქმეთა სამსახურმა უზრუნველყო. მასში თბილისის 52 სკოლის გუნდი მონაწილეობდა, რომლებიც ადრინდელივე შერეული და სამხრეთი პრინციპით იყვნენ დაკომპლექტებული: მოსწავლე, მშობელი, მასწავლებელი. ამასთან, მოსწავლეთა შორის თანაბრად იყო დაცული გენდერული ბალანსი – 2-2 ბიჭი და გოგო.

ტურნირს საპატიო სტუმრებიც მრავლად დაესწრნენ – მერიის, განათლებისა და მეცნიერების, სპორტისა და ახალგაზრდობის სამინისტროს, სპორტის სასწავლო უნივერსიტეტის ხელმძღვანელები, მონეული იყო ცნობილი მსახიობი **ლევან ყოჩიაშვილიც**, რომელიც 150-ე საჯარო სკოლის გუნდში გამოდიოდა. მისი ავტოგრაფიანი ბურთი შეჯიბრების ერთ-ერთი გამორჩეული სუვენირი გახდა, რომელიც 84-ე სკოლის გუნდის წევრ **ირინე რუსიძეს** გადაეცა. ესწრებოდ-

ნენ ევროპის ჩემპიონი კრივი **დავით კვაჭაძე** და ვეტერანთა შორის მსოფლიოს ჩემპიონი ბერძნულ-რომაულ ჭიდაობაში **შალვა გაფრინდაშვილი**, რომელიც 108-ე სკოლის სპორტის პედაგოგია. ფინალურ ეტაპზე სტუმრების უმეტესობა მონაწილე გუნდების შემადგენლობაში გადანაწილდა. ტურნირის მსაჯი რესპუბლიკური კატეგორიის არბიტრი **სუსანა გვილაგა** იყო, რომელსაც დიდ დახმარებას უწევდნენ **ნათია კაციტაძე**, **მაია აგეიანი**, **გიორგი კობლატაძე**, **შოთა ძიდიგური**, **რატი ცხვიტაძე** და **სალომე სოლაშვილი**.

ორდღიანი შესარჩევი ეტაპის შემდეგ ფინალურ ტურნირში გამოსვლის უფლება 84-ე, 90-ე, 97-ე, 150-ე, 161-ე და 207-ე საჯარო სკოლების გუნდებმა მოიპოვეს, კერძოებიდან კი მათ ვალდორფის სკოლა დაემატა. აგრეთვე – კლასიკური გიმნაზიის გუნდი. საბოლოოდ ოქროს მედალისთვის ბრძოლის უფლება 150-ე და 90-ე სკოლების გუნდებმა მოიპოვეს, ბრინჯაოსთვის კი 84-ე და 161-ე სკოლები შეებნენ ერთმანეთს. ჩემპიონის ტიტული და ოქროს მედალები 150-ე საჯარო სკოლამ დაისაკუთრა, ვერცხლი 90-ეს დარჩა, ბრინჯაოს კი 161-ე სკოლა დაეუფლა. თბილისის მერიამ მედალებისთვის მეგრძოლი ოთხეულისთვის ფულადი პრემიები დააწესა: ჩემპიონს 600 ლარი გადაეცა, ვიცე-ჩემპიონს – 400, მესამე პრიზორმა 200 ლარი მიიღო, მეოთხეადგილოსანმა – 100. დაჯილდოვდა ტურნირის ყველაზე პატარა მონაწილეც – 90-ე საჯარო სკოლის მესამეკლასელი **აკაკი გაბიციანიშვილი**.

სომხიშვილის ბრინჯაო



ძიუდოსტი გოგონების ნაკრებმა ჩეხურ ტეპლიცეში იჭიდავა ჭაბუკთა ევროპის თასზე, სადაც საკმაოდ მოზრდილი, 10-კაციანი გუნდით გაემგზავრნენ. იქ ჩვენებმა ერთი ბრინჯაო მოიპოვეს, რომელსაც მძიმე წონაში სოფიო სომხიშვილი დაეუფლა. ის პირველ წრეში ისვენებდა, მერე კი ხორვატ **ნინა იურიჩს** წმინდად მოუგო. ქართველი გერმანელ **შანა პოლვაგასაც** ამარცხებდა იუკოთი, მაგრამ გაფრთხილებებით მოხსნეს. ჩვენებურმა დამამშვიდებელში სამი პაექრობა გამართა და ყველა წმინდად მოიგო – ბელორუს **დანა საგოშანკასთან**, პოლონელ **კინგა ვოლცზაკთან** და იტალიელ **ანალისა კალაგრეტისთან**. სომხიშვილი ახალ თაობაში ერთ-ერთი ყველაზე ნიჭიერია და სამომავლოდ მისგან დიდ წარმატებებს ელიან. ეტყობა, არცთუ უსაფუძვლოდ.

ჩვენი გუნდის სხვა წევრებიდან მედალს მხოლოდ ევროპული ფესტივალის გამარჯვებული **ეთერ ლიპარტელიანი** (57) მიუახლოვდა, თუმცა მეშვიდეზე დარჩა. მან წმინდად აჯობა ბრიტანელ **ჯოსიე სტელეს** და დამარცხდა გერმანელ **ანა შნაიდერთან**. სანუგეშოში მოიგო ორი შეხვედრა – იტალიელ **ირენე პედროტისთან** და უნგრელ **ნორა სილისთან**, ტურნირზე გამოსვლა კი პოლონელ **ანგელიკა ზიმანსკასთან** მარცხით დაასრულა.

ტეპლიცეში გოგონათა ამ ასაკის სხვა ტიტულოვანი წევრებიც გამოდიოდნენ: ევროპული ფესტივალის მესამე პრიზორი **ნატალია ყიფშიძე** (48), ევროპირველობაზე ბრინჯაოსთვის ნაჭიდავები **ნინო მეგლაძე** (52) და ევროპის მესამე პრიზორი **თამარ ჭანტურია**, რომელიც ამჯერად ზედა წონაში – 63-ში მოგვევლინა. მათ ჯგუფში თითო ორთაბრძოლა მოიგეს, მერე კი დამარცხდნენ. ზოგი სანუგეშო წრეშიც გადავიდა, თუმცა საბო-

ლოდ მაინც უმედალოდ დარჩა.

ბარემ აქვე გეტყვი, რომ ამ კვირაში, 21-24 აპრილს, გოგონათა ნაკრების რამდენიმე წევრი – **ოლიკო ალაღოშვილი** (48), **მარიამ ჯანაშვილი** (52) და **სალომე აბაშიძე** (57), რომლებიც ჯერ კიდევ ახალგაზრდული ნაკრების წევრები არიან, უფროსთა შორის ევროპის ჩემპიონატზე გამოვლენ. იქ პოლანდიდან გადმოზრებული **ესტერ სტამიც** იჭიდავებს, რომელიც ჯანაშვილთან ერთად, როდესაც ფანეიროს ლიცენზიისთვის იბრძვის.

ტეპლიცეს ტურნირის პარალელურად, სანკტ პეტერბურგში ასევე ევროპის თასი ჩატარდა ისევე ძიუდოში, ოღონდ ახალგაზრდებში, სადაც ჩვენგან მხოლოდ ბიჭები გამოდიოდნენ, 10-კაციანი გუნდი. მათი მონაგარი 3 მედალია – 1 ვერცხლი და 2 ბრინჯაო. **გიორგი ქურდიანი** (81) მხოლოდ ფინალური ორთაბრძოლა დათმო იაპონელ **სოტარო ფუჯივარასთან**. იქამდე ჩვენმა ფალანგმა ყველა პაექრობა დამაჯერებლად, დიდი უპირატესობით მოიგო – ფრანგ **კრისტ გენგოს** და რუს **ტურპალ ტეპკაევის** ვაზარით მოუგო, ბრაზილიელი **ლუან როდრიგესი** და კიდევ ერთი ფრანგი **ადრიენ კობაძე** კი პირდაპირ დააიპონა. ბრინჯაოს მედალები **დავით გეჯაძემ** (55) და **გურამ ქოსმენაშვილმა** (+100) მოიპოვეს.

ამათ გარდა, კვარცხლბეკზე კიდევ სამი ქართველი ავიდა, თუმცა სხვა ქვეყნის სახელით: რუსეთიდან მოასპარევე **იანო აბულაძე** 60 კილოგრამში ფინალში გავიდა, სადაც იაპონელ **გენკი კოგასთან** დამარცხდა; ამავე წონაში ბრინჯაო მოიპოვა **თორნიკე ჭკალუამ** პოლანდიდან (ქვეჯგუფში აბულაძესთან ნააგო), ხოლო გერმანიაში გადასული **სანდრო მაქაჯარია** 90 კილოგრამში გავიდა მესამეზე. თან მაქაჯარიამ **იესო კვირიკაშვილიც** წმინდად დაგვიმარცხა.





მიმდინარეობს ხელმოწერა

მასწავლებლის გიგლიოთეკა



პუბლიკაცია მოიცავს დაწყებითი კლასების მასწავლებლებისთვის საინტერესო საკითხებს. წიგნი მიმოიხილულია შემდეგი თემები: აღრული განათლების მნიშვნელობა გავსების შემდგომი განვითარებისთვის, სასკოლო გზისთვის ცნება და მასწავლებლის სტრატეგიები სკოლასთან ადაპტაციისთვის, სოციალურ-ემოციური სფეროს განვითარების ხელშეწყობა და კონკრეტული რეკომენდაციები, სწავლის მოტივაციის ამაღლების ხელშეწყობა, სასწავლო მიზნების ფორმულირება, კრიტიკული აზროვნების, მათემატიკური უნარების, მატყველების განვითარება და კონკრეტული რეკომენდაციები ზვირგნოვანი უნარების განვითარებისთვის, კითხვის მნიშვნელობა და კითხვის უნარის სავითარებელი ღონისძიებები-დინამიკური განვითარების ხელშეწყობა და რეკომენდაციები მოქრები თამაშებისთვის, განმავითარებელი შეფასების საშუალებები, მსოფლიო-თან თანამშრომლობა, საკლასო ოთახის მოწყობის სავითარებელი, კლასის მართვის სტრატეგიები.

ფასი - 7,30 ლარი



თამაზ ვასაძე ქართული აბიოგრაფიული პროზა ლიტერატურის შემსწავლელთათვის 4 ლარი

თემატური კლასიკები

დაწყებითი კლასებისთვის

(42X59.4 სმ)

- 1. წელიწადის დროები: შემოდგომა-ზამთარი
2. წელიწადის დროები: გაზაფხული-ზაფხული
3. ფერები
4. ბარეული ცხოველები
5. ბარეული ფრინველები
6. პრეფიქსები
7. შინაური ცხოველები და ფრინველები
8. პიგინის ნივთები
9. საოჯახო ნივთები
10. ტრანსპორტი
11. ზღვის ბინადრები
12. ტანსაცმელი
13. ხილი
14. გოსტეული
15. ჩემი სხეული
16. ფორმები
17. რიცხვები
18. რის შვილს რა ჰქვია
19. მწერები
20. აბინდი
21. მცენარეები
22. საპირისპირო ცნებები
23. ქალაქი
24. სოფელი
25. სკოლის სახეობები
26. ზღაპრის გმირები
27. ჩემი საქართველო
28. ქართული ანბანი
29. ინგლისური ანბანი
30. რომელი საათია

ფასი - 2.90 ლარი

მალაი კლასებისთვის

(59.4X84.1 სმ)

- 1. რელიგიების წარმოშობა
2. ბარეული ფრინველები საქართველოში
3. ბარეული ცხოველები საქართველოში
4. მწერები
5. ძველმეცნიერები საქართველოში
6. საქართველოს მცენარეები
7. სამხარის წარმოშობა
8. ნიდაბი - სიცოცხლის წყარო
9. რეპტილიები და დინოზავრები
10. ზღვის დინეები
11. ძირითადი ელემენტების პერიოდული სისტემა
12. ქართველი მთარის შვიარაღება და საბრძოლო ტექნიკა
13. მსოფლიოს შვიდი საოცრება

ფასი - 4 ლარი

მითითებულია ერთი ცალის ფასი



წიგნი I
კველი ქართული მწერლობა;
წიგნი II
„ვეფხისტყაოსანი“;
წიგნი III
XIX საუკუნის მწერლობა
წიგნი IV
XX საუკუნის მწერლობა

თამარ გელიტაშვილი, ამირან გომარტელი

მითითებული კრებულის ფასი - 12 ლარი



სავარჯიშო რვეული ქართულ მართლწერაში


10 ლარი

საყვანელი ენციკლოპედია

მითითებული ფასი - 12 ლარი

ავტომობილი
სამუსიკო
უდაზო
გამოგონებები
განძის ძიება
გლადიატორები
დრო და კალენდარი
კველი ეგვიპტე
ევერეტი

ვიკინებები
ფიზიკა
ახსნილი და აუხსნილი
ფანოქები
კომპიუტერი და ციფრული
უკველესი ადამიანები
მათემატიკა
კველი რომი
კველი საბავსტარო



რა არის რა

კვანია

მთავარობა 10 ტომს

ენციკლოპედიის სერიის „რა არის რა“

სავითარებელი ფასი.

მითითებული, 12 ცალის ნაცვად, 9 ცალად მიიღება.



ხელმოწერის თანხა გადმორიყხეთ რეკვიზიტებზე:
მიმღები - შპს „ახალი განათლება“,
ს/კ 202058735, ა/ა GE93LB0113314052305000,
ს/ს „ლიბერტი ბანკი“, ბ/კ LBRTGE22
ყურადღება: ფიზიკურმა პირებმა, თანხის გადმორიყვისას, მიუთითეთ პირადი ნომერი

მწერალთა კორტრეტები (34X47 სმ)

- 1. მიხეილ ჯავახიშვილი
2. მიორბი ლეონიძე
3. ირაკლი აბაშიძე
4. ნოდარ დუმბაძე
5. აკაკი წერეთელი
6. კონსტანტინე გამსახურდია
7. პოლო იაშვილი
8. სულხან-საბა ორბელიანი
9. პოლიკარპე აბაბაძე
10. გურამ რეაზორიანი
11. დავით გურამიანი
12. გიორგი
13. რევაზ ინანიანი
14. თეიმურაზ I
15. ვახტანგ VI
16. მიორბი მიორბი
17. გრიგოლ ორბელიანი
18. დავით აღმაშენებელი

4 ლარი

რეკვირუქები

- 1. ჰორაციუსის ფიცი, შაკ-ლუნი დავიდი
2. მწერალთა თამაშების, დომინიკო გირლანდინო
3. ადელ ზღუს-გაუარის პროტრეტი, გუსტავ კლიმტი
4. მინიანი, დიეგო ველასკესი
5. დელფინი სილია, მიქელანჯელო
6. მხატვრის ბაღი, კლოდ მონე
7. უკველი ფიცი, დავრუნიანი
8. საბანა, ოგიუსტ რენუარი
9. საპირისპირო განმარტება, გრან შატის კუქაშელა, შორე სიორა

6.5 ლარი

მსოფლიო კლასიკები

მკვლარი სხლის ჩანაწერები, თელურა დოსტოვესკი
ცოლთა სკოლა, ანდრა შილი
გზა ელიტისკენ, ჯონ ბრინი
რეაქტიური მოთხრობები, ნიკოლოზ გომოლი
ტალღები მოთხრობა, ალექსანდრე ბრინი
ტკობა, გაბრიელე დანდინო
დედაჩემი, ალბერ კოენი
პეპსია, ალექსანდრე დიუმა
დონ კისტის დავრუნიანი, გილბერტ კით ჩესტერტონი
დროის ინსტიტუტი, ავგუსტ ჰაფი ტანტინარი
ფიცი ბრინი, თელურა ფონტანე
ილინი ვინეტი, პრესპერ მერიე
პეპსიური მოთხრობები, ლევ ტოლსტოი
კვარტალი, გინ რიდი
ლეონი ჯიცი, ჯოჯა კონრადი
გადამ გომარი, გუსტავ ფლოპარი
სარსული წერილები, შარლ ლუი დე მონტესკიე

მოთხრობა გულის, შტეფან ცვაიგი
მოთხრობა, ალბერტ მორავია
ორი რომანი, მიგელ დელიბანი
პერიფერიული მოთხრობის ტაბარი, ვიქტორ ჰიუგო
მოთხრობები, ალექსანდრე პუშკინი
რეაქტიური მოთხრობები, ჯონ გოლდსუორთი
სატანის ელემენტები, ერნესტ ჰემინგუი
სამხარული ჩრდილოეთი რინეთიდან, მარგარიტ დიურასი
ტალთა გეგნეტი, მილ ჯოლა
დამოუკიდებელი ბარეთა, რაფაელ საბათინი
მითელი და შავი, სტანდალი
ტირანი საბავსტარო, სოფრსტ მოევი
ჯავახი, ჯიცი კუქარი
ლინტინები, ვილჰელმ ჰაუფი
უსარი სხურაგა, შან შიორე

მითითებული ფასი - 15 ლარი

